


楊復所文集


七之八



		五	漢
		四	書
		九	門
		三	
四	九	三	
冊	架	函	號 類

三	五	漢
七	四	書
一	七	
架	冊	號 類

內閣文庫	
番號	漢 5473
冊數	4 (4)
函號	317 92



重刻楊復所先生家藏文集卷之七

邑舉人門生黃

璿 龔克修

男見駿

黃玠 黎遵指

見暉 全梓

署邑學博舉人梁 昌 仝較正

見暉

侄見昕 孫開春

書

與邑中諸友

曩者朝夕過從領益不細別來再易寒暑轉憶
舊遊有如夢寐年光如逝川何者是真何者是

楊文家藏文集卷之七

常靜言思之令人震駭老丈亦念此否也當其
聚首之時正好商量無柰不肖道力淺薄無所
發明今雖悔之亦復何補但願兄丈舍悠悠之
談求慥慥之實不致虛度此生時出德言為鄉
鄰倡導成就大丈夫事為禱拙稿一部寄上覽
教不多及

畢心坡

老丈倡學江南生久延佇不意惠然肯來聲氣
遂應古人有言目擊道存寧俟馳詞而聘說即

超然一別兩無掛繫彼此任運無不符令忽辱
翰教乃示至情所云漸覺專一又云當下長安
更何等待誠非對塔相輪之見也生嶺外迂夫
聞見寡陋安敢云知學哉以老丈漸專一何等
待兩言反而觀之亦頗有同然者耳自今以後
但願大家不放不歇知止得止使專一者益專
一無待者真無待不作聖凡見亦不位偏全見
不位醒睡見亦不位人我見縱浪大化之中安
享太平之福豈不樂哉寄意同心好共努力不
盡

商高要

足下下車我鄰邑時生正以赴命就道既而道
中南轉忽更歲華足下遺我翰教然後知宰高
要也登仕者惟宰為難位亦惟宰為難遇其得
宰之任者其與百姓有緣者也他官雖華安能
及宰之實哉諒惟足下卓見乎此故敢道之高
要附郡然與都會無異硯蓆蕉布民之饒即民
之病也民風猶淳惟足下安之毋事旦視暮撫
為也大要在於視民猶已子惟祈常交通即靡
發不當矣來意良厚謹謝此布不盡

王國棟

正念足下使翰遂至然讀之云四十二篇者乃
烏有先生也蓋吾家孝廉未曾至白下也足下
自許落筆洒然是必洒然也豈待讀四十二篇
乃信其然哉文章小技耳生亦戲筆為之願足
下毋廣我而造大足下多故之料熟計之勸猶
是宿習未除乃有如許念慮自杞國人憂天崩
到今數千年天何嘗崩生不如是位念亦只憂

楊文家藏文集 卷之七
自已崩壞而已矣足下試自料目下自已崩壞
未何故位無明之想崩也崩也壞也壞也我且
自顧我不敢多及

管東溟

近日理會得宇宙間一件大事此道之統自堯
舜湯文孔子而來幾二千年至我
高皇直接之無纖毫不滿之遺憾
飛龍御天位用人所知也至其成就淵微處人
未之知也其在文集還經示僧篇又諭僧篇又

道患篇試取三製讀之可以測其精微之蘊矣
弟至愚拙自謂此舉庶乎少裨於世近摘數篇
稍為詮釋刻之本部以示同志須風行之後表
其全書無不妙者也刻尚未脫板容寄上方生
行先此寄音及冬日記一冊內有送孫欽齋先
生序具之敢祈覽教

宋五雲

此道大意曉了方可看古人經典以印正之至
於宗門語最為直捷尤當熟看此係大學止至

善之捷法崇世人不識目為異端深可惜也止
至善之學不離當下宗門之學亦不離當下也
離當下而言學是失止也是失宗也識止知宗
者一髮可以引千鈞一滴可以盡大海一芥可
以納須彌一刻可以貫萬古得此欄柄入手何
尺之身不參天地哉子今見此大意便當直
信不疑珍重珍重

龐丹徒

吾人處世自有大者絕不在小之節目上求也

足下所以用情拙者可謂縝密尚何闊畧之嫌
足下虛心取善傾心於了允此却是足下大處
昔人有言治性者當審己之所有餘而強其所
不足今了允之所有餘者乃足下之所不足也
足下能取之不惟自成亦兼成了允也何者了
允亦將取足下之所有餘以自補其不足耳一
舉而人已兼成足下之取大矣如是尚何小節
足計乎伏願足下直往直前及時努力歲月固
不待人也小刻二種附覽求印正之不備

周海門

別來寡偶惟取

高皇御製文集手自謄釋乃見于百年道統集於

高皇其前後諸儒種々論說皆難為言矣今不自量其力之小篇摘而章分之位 明一經刻之敝署脫稿十篇劉剛倩携而東南以奉報門下也入粵之行當在何時早勸老伯母板輿度嶺一觀粵中風景有可樂者丹荔如霞碧園似

玉無論其他矣剛倩近詣不讓吳生東浙此風又當興起可為大快南中闔立吾陸中陽諸大皆弟所請教者并報不一

郭和州

李白詩云誰揮鞭策驅四運萬物無歇皆自然曾開歲之幾何而今復夏至一陰生矣智者觀之安得不順理安行位大鵬逍遙遊也足下位州諸務填委尚能念及故人仕優可知能優即能逍遙矣豈獨自逍遙又將使一州之民無不

六世家藏文集 卷之七
逍遙也其樂豈有涯哉附上冬日記一冊證道
書義一部奉克清覽不盡

鄧心虞

平生無他長止有講學一事近日更覺端的無
纖芥疑慮南中無事輒將此道借時義發揮之
生何敢擬前哲但此事有不容退避者竊自謂
生之時義有似於白沙先生之詩非苟位者也
今寄一帙於門下幸於公餘披覽以為然否倘
有未盡處亦望駁示何如

李朱山

不佞鄙說譬之油甕靛缸道之污染也老丈淨
蓮花目柰何覽之雖不受污染然不佞不可以
再陳若再奉陳即為不識進退矣一咲芙蓉寺
記特為俞定老及老丈而位不佞時尚卧病未
嘗見此僧也此文到寺亦足當不佞訪老丈一
番矣何如

俞定所

恭惟老丈志已弟同各居分化理固宜然離相

思而合忘言亦理之冝然者也承諭與朱所文
山中信宿無異與弟神交則亦可以托契於無
言矣辱委寺碑使不文之夫呈拙於盛文之處
誠自揣縮手然有訪我丈及朱山之心而形迹
拘繫則托之文以往亦神交之道也故奮病而
揮之文成即寄尚未出見此僧也

萬思默先生

報恩招提一會有以識先生之心易原易說則
因而信之耳實有不言而信者存也別後吳下

友人傳先生語云學入意地擾又不能收功於
方寸間假饒說得極徹終成戲論斯語也為膽
口說者戒歟雖然極徹者徹于極者也徹于極
者通于無者也通于無則無意地亦無擾又無
方寸亦無能收及不能收何者為極徹故如此
亦無終成戲論及不終成戲論假饒以方寸為
意地歛收功於擾又此如行路之人目則炯又
長安足則躡又塵途其於邦畿至止者尚遠也
如此而遇都人士為我陳說王畿所以為四方

之極者吾安能以戲論視之乎何者為未至長
安故生報友人謂先生語當如此看乃為妥當
茲乘鱗便錄寄請正附冬日記一冊中有易原
易說題辭一篇乞并正之千里馳情統惟台鑒

鄒南臯年丈

正舉念時乃無便得便又因循遂至兩年不寄
一字顧吾輩原不以書問為慙慙者耳海內同
志如吳下管卓溟才識無雙南中精詣者周海
門年丈今借重吾廣矣尚有馮年丈具區闡廷

評立吾陳車駕景湖陸大行中陽及孟銀臺連
洙先生此或在會或不在會皆弟所嘗領教者
也老丈所欲聞故具述之近蒙曾見老寄示龍
谿先生語要一冊弟覽竟蓋嘆世人無知此老
者此老乃實修之士其修也過於其所悟而世
以遺行議之益成此老之真修矣何者真修之
人豈畏人知人有不知正慙修者之願到今日
為弟識破亦此老餘憾然此老力量不能到得
終古識不破地位也何故其悟門尚非正也老

文以弟之評為何如幸便中教之外小刻二種
奉寄覽正

苑向卿

自與向卿相處時知我向卿必為君子而必不
為不善者也及聞被毀不勝駭愕然知必出於
忌者疑者之口也近詢之人蓋知其然嗟夫此
果於我向卿有纖芥之損乎哉祿爵者非生而
有也物之倘來寄也終必還之名贅疣也生之
所無用也惟有與生俱生俱盡者存焉仰不愧
俯不怍即浩然於天地之間而毀譽得喪若寒
暑晝夜之相待矣故曰未嘗有纖芥之損也

羅近溪

張吾老至得接老師手教已心領矣茲再承教
札見惠暨示文塘兄者并得領益仰見老師盛
心謹當服膺勿失不敏深知此學胸中已自了
了舍却小心去通天下之志便更無工夫可做
凡不敏之與同志論學少不相入只責自己心
麓少不相孚只責自己氣浮少不相領只責自

已詞之未修鞭又着已更不去人身上生意見
生分別乃至一人未信一人未徹只責自己性
分尚虧其信我愛我者又只不見我有是處原
是此友自通達故凡此皆非任意如是原是性
體然耳惟老師時賜鞭策幸甚

復耿侗老

朝來再誦默識章講義字又句又俱瀝心髓不
厭非勉不倦非循以不厭証學以不倦証識即
人即我即人而歸之於識真我真我無我俱一

字一金本體工夫盡此矣妙悟修証備此矣下
學上達率此矣當與明道先生識仁書并傳者
也仲子所云贊天地之化育者乃稱道此真我
之妙用而焦子所云以無情契之者又稱道此
識真我之景 雖皆從默識過來决不屬孟浪
然老先生實際矣老先生之學既如此惟起也
所聞於近師者亦如此謹此暫復尚容而悉不

費似宦


丹別忽復兩載寒暑晝夜事不足為文陳但弟
近來狂態更甚以為學不為聖人非夫也丈前
歲笑我時我亦自笑今乃頑然居之不自笑矣
又欲為文獻蓋此係大丈夫事就使功業格天
文章耀世總不如此處討個分曉人生世間如
驟駒之過隙何得茫又被造化小兒驅使予友
道之不講久矣我丈乍聞狂言得毋遂耳乎

復許敬菴

曩獲奉教感佩弗忘九載于茲實切想仰忽承

札惠神爽飛越開緘讀之獎訓殷繁既以敝鄉
先達為勉復以近崇二氏為防仁人長者其道
固然某雖樸蕞敢不拜教之辱夫討方便以入
二氏某也闇劣決非所能但聞二氏之學亦非
方便所能討也嘗伏觀我

太祖高皇帝至神極聖所以開運祚而顯謨烈
者曷嘗不法帝王師孔孟哉至老子之道則曰
有國有家者日用常行有不可闕實與仲尼之
意齊及論佛也則曰釋迦為道不言而化不治



而不亂斯非人世之人此天地變化訓世之道
故能善世如此蓋尊二氏至矣某也莊誦
聖謨實於二氏敬若天帝畏如神明不敢少萌
方便之尚本歆以憲章

高皇對越天地而非敢故與儒先異也門下以
為何如哉泰道方興長者實應茅茹之會斯文
引領同志彈冠伏惟懋明大德贊佑
阜極以答時望無任慙

葉龍塘先生

古人制御夷狄不至於甚煩極勞今詩書所稱
可睹大抵車制精妙無異故云今文不獨制車
兼以火器咸極其精可謂擅中國之長技而備
古人所未有以此制虜何可當也即文運思若
是其勤任事若是其勇勞苦邊塞捍固疆圉夫
何求哉一誠之所運也不佞輩目不睹耳不聞
吹食大官弄柔翰所持以答

朝家恩厚及天下賢豪才哲之精神以為無負
者獨有此方寸地耳詩不云乎或燕又居息或

盡瘁事國或不知叫號或慘又劬勞每誦此言
愧汗無已若夫懷人我心興忌嫉念不能盡人
之長畢忠智之願不佞竊謂茲人乎無天者也
不佞內自愧於心而漫為此論蓋將以自策也
而因丈為不佞叨轉致賀故遂述其不敢當之
意如此與老丈一笑不盡

馮具區

夜半姑蘇一別倏忽又歷三載兄滿四十弟乃
過之古人聞道大率以此為期兄志趣甚高氣

魄極大第未審曾過人否也弟素暗劣承不鄙
時辱教愛不敢自棄大抵此事非自己見解意
氣所能測度所能承當的有真實消息必須遇
人而傳又恐所遇非其人或遇其人而當面嗟
過此事到手須如金丹一粒頑鉄立地成金乃
真法也若頃刻少待俱屬邪魔兄能信弟言不
妄否倘已得之不惜相示頭白弟兄若不說實
言更待何時哉白衣蒼狗揔屬幻境弟知兄無
纖芥入於靈府不用申慰拳又獨此一大事而

已外小佐一冊奉令即君一覽不備

曾直齋年兄

老丈侍太夫人終可謂大事無憾矣所謂大事非獨衾衾棺槨之美宅兆之吉葬埋之固而已也蓋有說焉惟老丈素知之而弟素信之者故敢曰無憾也而世之營又以為其親唯恐一事之不周且完也問之輒曰大事所當盡心累大事乎祇見其細務之急而已而彼亦焉知所憾與所無憾者耶老丈謂弟言何如

管東溟

魯川曹丈至得接華翰獎訓蕪至所獎者非生所及所訓者實生所願默會而請事者也中云孟發之遲周收之早孔子之門人三千七十近師之門人過於其數若此之類皆門下有為而言之也生所得於道者無幾方且隨在求學而未敢及於教人乃其不肖之軀實多病憊不能訪友而友至多謝去不能接見今在南中照例杜門終日則雖求學亦尚有志而未逮也安能

教人門下無虞生矣雖然孔子曰吾非斯人之徒與而誰與又曰同聲相應同氣相求夫以吾之所與既不能離人以人之所求又不能離我當此之時雖門下善用潛其又將何以潛也然則生之杜門謝客亦非一定不移之道也使生學果足以教人而又無疾病於其身則我之不能離人與人之不能離我者自在也而又奚疑於我近師哉近師平生徒足所至便集百十人多至數百人絕未嘗有意於約戒號召之而莫

知其所由然也生即儘力學近師恐亦無此大緣矧生之所學於近師者亦不在此古今聖賢不必同亦不必異所異者迹而所同道也今使伯夷與柳下惠謀必不相入矣然百世而下皆稱聖師則不同何病焉今門下亦何必與近師同也若夫克己復禮之訓此自有說大抵聖人立言如鼓荅桴在釋家謂之針芥相投斷又乎不爽者顏子之問又為仁也仁者天地之生德以生德問即當以生德荅而柰何以克敵之克

答之則桴鼓畢而針芥左矣此決知其不然也
易曰復其見天地之心乎又曰復以自知皆能
自復禮為仁之証也惟左傳有楚靈王不能自
克以及於難之事而引孔子曰古志有之克已
復禮仁也一句此則左氏援引之說而未必為
孔子之說也且其叙子華云摩厲以須王出吾
刃將斬矣吁是何言也克子華之言則雖為鬻
拳兵諫何難也惟其來歷如此故訓克已為克
敵之克乃相應也今問仁而亦訓克敵之克不

相應矣古語固有字同而義異者何妨兩訓哉
且吾近師自求之學問之中無克去已私之事
又求之孔子雅教亦無克去已私之言王原憲
問克伐怨欲不行孔子止許其難不許其仁以
故極力主張能自復禮之說今謂吾師喜以新
說動衆此或不然一時之衆可動百世下大有
人在安可欺也百世之人心即一時之人心百
世不可欺即一時亦何可欺也且夫學聖人之
道者豈徒以其言而已哉言也者聖人所以順

世人之知識而酬焉者也道無聲臭而一落言
詮便有方所孔子嘗歆無言矣其中亦知道非
言所能盡也吾師平生好學力行門下所知也
未可盡求以言說之間矧其言本無病哉惟門
下不以先師接引之廣為可故亦不肯其能自
復禮之說惟不肯其能自復禮之說故亦終不
以其接引之廣為可也孔子以有朋自遠方來
為樂而又稱曰吾得顏回而門人日親觀此則
孔顏為仁之宗旨亦有可想見者矣我

朝學問自白沙陽明二先生而來至於先師始
覺會合要皆取法孔顏而以明德親民為至善
今日此不可學則又將何學哉雖然門下之教
類若伯牙鼓琴高山流水不在聲音之間而在
其志者也生故曰願默會而請事然不得不據
所見直之庶幾萬有一分之補益也生於門下
所謂外遠而內合者也惟門下亮之

荏平朱大尹

聞執事疋馬入荏平首巡隴畝躬問疾苦安車

蒲輪迎邑之賢者辟堂以舍虚心訪問治道由
是政行而民皆便之此子賤所以治單父而衆
悅者也聖人之所大也孟子曰好善優於天下
而况魯國乎生也聞之亦敢竊比於不寐之喜
雖然此所謂善也能以此自信則有諸已矣有
諸已則能止於至善大學之道也仕與學豈有
二乎哉承遠念翰貺周至使旋惟崇護明德以
介休祉是祈不盡

羅聞野

恭惟明公穎敏特括之材養之以深沉果毅之
德向者借重直指不吐不茹不動聲色而厝巔
海於不崩不波之地明公天下才也茲者建旄
持節擁衛畿輔所以固基圖而迓天庥樹立施
設當有千萬於往昔者豈非社稷生靈之福歟
今宇內北旱南水人民相食天道好生之意焦
然矣所幸盜賊不敢發邊境未嘗動智者猶可
及嗚然竊見四方任地方之責者拘泥常套付
之無可柰何其所經畫似與軻書不相符豈聖

賢之言與經世之道原係背而馳者哉僕書生
誠不識所謂也明公重鎮猶未甚飢腹心之地
元氣為急時儲蓄以備不虞修戎以懾不逞以
鎮靜為國家定根本以精誠為天地回氣運知
明公已籌之熟矣嗟夫非磊落如明公亦誰望
耶伏承報代使入京例頒翰札祇領叩謝因叙
述其所懷蕪瑣乞亮

答郭得吾

辱惠書云認字一個知字只得從實做去讀至
此不覺暢快此知字乃天地人物生身立命的
根本只要立得定便是知止為人君止於仁為
人臣止於敬是也若不知止則時情世態一切
動搖安能行其所知乎昔人以稱幾毀譽利害
苦樂謂之八風若立得定者不為彼搖足下養
深積厚當不難於此矣

巡鹽陳年兄

伏承華札例及不佞開緘盟讀至述齟政之艱
字不盈半百而江淮財力困絀之狀曉然在目

復竟讀之勃又然有上不病國下不病民之意
蓋仁惻之心存於中則其形之文詞自不可掩
抑不佞感於詞旨之間輒不敢以常套復竊惟
財者國儲民者國本輕重較然矣可以盈而盈
之所以為國也不可以盈而不盈亦所以為國
也矧江淮之間災沴頻仍民生日艱尤當加意
之時乎御史之職代天而行非有司比權輕重
條利害在我而已知足下自有成畫然以尊教
之不可虛辱也謹述迂謬之談以應毋哂為幸

復李斗野

弟處教下二十年矣文之為君子也得於見封
君之德之盛也得於聞然安能及知令祖之德
哉弟今而後知河源李氏種德之深遠也而後
知天道之報應善人如影響也而後知國家褒
揚臣下之祖父之應於天道也蓋弟之承乏代
言也竊獲進其所學於是見仁人孝子之情焉
於是見當世賢人君子之德焉於是見微必顯
之道焉於是見即顯彰微之理焉於是見先王

以孝治天下之經焉於是見父子祖孫通為一體之真焉於是見無始無終之運焉於是見明禮樂幽鬼神之致焉於是乎可以進學可以復古可以重人道可以明宗合族可以興禮樂可以佑鬼神可以位天地育萬物可以致四靈而無所不格嗟乎非文之通朗孰能信斯言之不誣哉禮曰顯揚先祖所以崇孝也承命表令祖墓安敢以不能為辭腆儀本不敢當知弗受不足以及滿丈之志也夫辭物是辭表也辭表是辭

孝也則孝安可辭哉敬拜登矣謹此肅謝

葉龍老

伏承手教謂生所奉答字又皆玄解且有粹養之許讀之令人慚愧汗下蓋因稟賦愚拙於時事都不通曉困衡四十餘年近始理會得一箇藏拙道理以為天下之事自當有天下之才濟之而吾但虛其心可也自此之後將平日希高慕遠要無入要上入之心一齊放下此處見得果有一二分受用是以遇事遇物輒以此道應

木大吳家藏文集 卷之七
之每承老丈教我邊事我寔不曉故不敢強為
之說只答以吾心之所明者而已若夫玄解粹
養之許寔所媿也不敢當也近因舍弟之變不
忍老親傷心只在年盡春初告歸且得優游西
湖羅浮之間以益進其所學老丈經綸世務綽
綽有餘今當此重任幸專心一意以畜國家之
安生雖處林下要有足以無愧於老丈者非敢
求獨善也

張可菴

大賢一出士類爭覩以為快嶺南小生獨抱拘
拘之病不得從豈非命耶兩辱軒車下臨無任感
媿爰敢以書謝伏枕間每聞邸報西事孔棘而
廟謨所以應之者甚整暇有序此社稷生靈之
福也治亂安危之機惟在所用今用甘肅葉巡
撫足為邊境得人慶矣生與葉居同里聞知之
最真其在贛州時除黃鄉百年逋寇不費寸糧
不役一卒而事集及黠酋逸出者此公時在制
中僅用一豎子弭而致之蓋其巧在一心發必

萬全也如此今共事寧夏魏能虛心听其所為
則叛卒不足除雖以之收復河套可也夫河套
之不復亦國之耻也然重於舉者恐任事者非
其人也若葉之才蓋無所不可生非敢太早計
欲深明此公之能不負門下所舉也夫門下既
以知而用之矣生復喋又者何蓋生知之則不
敢不一言義固然也而又抱病不得一面言故
托之謝牘耳且欲門下深信其可用則將用之
不疑彼從外條其利害此從中听其便宜內外

一心事庶可濟書曰則克宅之克紬繹之此之
謂也此亦區又一縷之血誠也惟門下亮之

艾熙亭

古之君子德立道光位隆望重則以推賢進善
為務而後世不然汲又乎惟恐其身之不淑也
身淑矣又汲又乎惟恐其名之不彰也名彰矣
又汲又乎惟恐其名之不終也日夜惟務自持
以靳乎人之我賢斯已矣奚心乎天下之人才
哉此後世之所謂賢者也而以觀於門下乃若

有超出乎是者以道德求門下則德已立而道已光矣以位望求門下則位已隆而望已重矣而所汲又者乃獨以推賢進善為務其志豈在一身者哉生嘗嘆服真古君子也而亦願門下崇篤此義有加而勿替也今撫治西蜀在屬之賢才有幾其卓然已成者薦之其可者涵育之其不及者變化之無非為天下得人之術也某府某官某向在國學頗知其入賢者也諒所素知然亦生所知也生既以推賢進善信門下今

奉茗之便得不以所知為言哉惟台亮幸甚

蘇斗墟

日來賤病增極不獲求悟足下行矣學問之道當下即是本心更無餘法能無出位之思即無穿鑿之事求心求氣兩得之矣蓋生三折肱而思醫者故為知己道之萬里炎天百九珎重

王荆師

伏承札教知大夫人慈顏懽慰老師承懽之下心適體安萬福駢集吾道幸甚吾師具異質乘

高識天下之士莫不望風逡巡退却自知其不及遠甚者多矣矧區又愚拙若某者哉故不敢以遊說之談取戾然至於迂闊之論則亦有之蓋今天下士大夫莫不知老師無復出之意甚明夫一身之出處雖聖人不能自必而老師能自必哉以老師所不能自必者而天下士大夫先必之誠以老師所素不屑者足以取信於天下也昔之君子嘗歆有為於天下矣惟天下不之信是以為之而終於無成豫計其終於無成

故寧袖手而不為如走者多矣惟伊尹能取信於天下尹自知之出而為之而果有成也享其名無窮其次惟諸葛孔明而其時不足為也又其次惟王荊公而其為不度也皆可惜矣若夫取信於天下而終不為之者古未之有也今天下士大夫之信老師甚明也雖有一二浮說皆知其妄且亦老師之所不欲為之意有以激之也老師之出處可以無疑於天下士大夫之心愚以為當毅然以天下自任以答天下士夫之

望今天下之事始之以寬大而隨之以廢弛也
 孔子曰齊一變至於魯魯一變至於道程子曰
 大變則大益小變則小益聖賢之為天下未有
 循久而不變者也後世因金陵之變法之至於
 壞天下也不咎其不善變而徒咎其變遂欲以
 循又為之不知天下非循又之所能為也天下
 神器也不鼓舞不足以盡神而素何欲以循又
 為之哉要在精於變之又術而已有場師二八
 焉其一之務植也其灌溉壅護未嘗異其法也

而樹不達其一往觀之謂之曰子之灌溉壅護
 者未嘗非也而樹不達者其根之入土者失其
 理也予為子改植之改植已其灌溉壅護者不
 加法而樹達矣蓋天下之事猶樹也有根本焉
 有枝葉焉今之所謂廢弛者乃其枝葉之不榮
 且達而不可為也又不可不為也則請之根本
 而已矣主上一心天下之根本也古者三公論
 道師導之教誨傳又其德義保又其身體三孤
 佐之然後六卿分職焉若以政事論之則六卿

所賤而天下已無餘事矣奚必置公孤于其上哉古人見道分明知人主一心為天下之根本於此不正則天下萬事無可為者也故公孤之賤不與六卿共事而惟以道輔弼人主今之為說者曰事即道也道即事也此似是而非之論也儒者惑之遂以為天下但事而已矣事得其當即謂之道於是乎但理其事而置道於不言則古人論道二字豈虛設之詞哉惟其如是故輔養之力微而感格之道淺非獨微且淺也且

不問其所輔養者何物而感格者何事也夫既不能正人主之一心則所謂事者不過依違其間既恐拂人主之欲又恐失左右之心既恐失左右之心又恐犯天下之議當為者既有所顧忌而不敢為而既為者復有所打格而不得遂則所謂事即道道即事者其說窮於此矣而可不深惟其故哉今之為說者又曰經筵日講皆論道之事也嗟夫此安足以論道哉此不過訓解文義而加之以諛詞隱諷相雜以成章耳且

其任輕矣古之論道者乃公孤也豈今之講官
哉講官之職既輕而不得伸其詞說公孤之位
又尊而不肯吐其言詞而謂論道之事止於經
筵日講之間亦過矣皇上講筵稀闊無足怪者
人之於飲食也其嗜之而不厭者必其有所甘
也苟非有所甘於其間而徒見若焉必吐之矣
夫道者人之甘物也然宿構而誦端拱而听其
事其苦今所論者未嘗至於甘而所事者惟見
其苦而又求至上之不厭此不亦責難之過甚

矣乎愚以為欲求至上之不厭當先進之以甘
而甘又非小臣之所能遽進也則在大臣石公
孤之位平日為至上所信任者一決常格而多
方以感動之此非老師其誰與望耶故愚願老
師無為自潔之計乘至上眷注之虛懷天下士
大夫耳目重新之會一出悉力以畜之不以六
卿分職之事分吾心而專心致志于論道之一
事孟子曰一正君而國定矣今之議論者紛又
皆不務樹之根本而求其枝葉者也惟聖智然

後能見人之所不見而為人之所不為老師誠一出而高之則天下士夫所素信於老師者可以釋然無復纖芥之疑矣舍老師亦非他人所能畜也千載一時可不念哉某愚拙無與此者然此中狀又恒恨其訥於言辭不能自達茲以書對伏惟俯察其誠而納其迂闊之論不勝幸甚無任悚息

與李稠原

徐得吾丈以九月初旬抵寒舍獲奉教札如覲顏色知台履萬福喜慰何如謂弟能闡明學術匪所敢承若夫求友切磋則有之矣承教云實修一步吾儒嚟緊功夫願與弟同相印正尤見吾丈近來造詣華落實存不然未易出此語也弟正苦實修之難凡吾人所修者未必不出於意見凡意見皆虛又不知以何為實明於虛實之說則於道思過半矣兄於此必有真見便中幸以相示何如得吾丈還亦甚勿又懷不甚悉乞亮

與周明所

獲領德音滾又數百言皆微詞與義而歸重於師道之立偉哉偉哉真大丈夫之言也昔者嘗侍近師席某稱師道立則善人多語近師點頭曰師之道立則善人自多近師語氣重道字又重自字某因會其意元來師不在位而在道也人性皆善又人何嘗不多吾未得師之道則不達性而徒以我為人師同人于宗吝道也善人安得而多乎昔者文王化行南國兔豷野人江

漢遊女皆有至行貞操故其詩曰文王壽考遐不作人又曰古之人無斲譽髦斯士善人多之謂也豈不本於文王師道之立哉師道立矣位若可也位臣亦可也有位可也無位亦可也門下云濂溪補子輿之不足者意亦若是歟今且有一言請教于門下如尊喻欲尊師道偉矣乃得吾文又願為萬家弟子者其同異優劣何如也惟門下嗣音以示幸甚

劉亮載

辱惠書仰見高情眷又迂拙非所敢當迂拙之
夫無長足當時彥獨講學一事近又自覺亦是
空言未敢標奇以先賢智即友人下意相取亦
無從出而與也高雅如足下又自了凡之所而
米感此厚意更復何愛然而其處也不久其言
也不深目擊而道存影見而千里蓋其難哉詩
曰愛莫助之生之謂也而其先曰仲山甫舉之
是在足下若乃他人不索生於學而索之以文
辭則求魚於木也其不得又何惑焉近佐學解
數篇幸賜覽閱而裁正之不盡

董得陽

足下恨不為令豈非欲得民行所學哉然治中
別駕之任古人所以展驥足者也今可以行之
下而上焉或阻守可以行之上而下焉或隔其
可以宣通上下之情而俾無阻隔之患者必居
其中者也驥足之展不亦宜乎足下但思為驥
無慮展足無地矣不佞拙性病軀無所可用徒
竊顯秩方以無補自慚尚賴同志相知如足下

者肆力鋪張此學以畢明德先師無窮之願則亦不必不佞自為之不佞有可以助足下者又何愛乎足下勉之矣

王典史

承使翰隨令表黎文若至因得奉復典史小官也而以人之大者為之則大人之大者非好高自傲之謂也兢又其職業潔白其操守以期不辱其身而已矣見士人則隆其禮茲有在則恐之無怠疾于頑無見人之過耐勞忍辱小官之道也君其勉之

道也君其勉之

朱修吾

辱翰教近於內典諸刻有悟入處幸甚幸甚高皇有云天下無二道聖人無兩心三教雖持身榮儉之不同其濟世之理一世人於斯三教有不可缺者大哉皇言統一聖真定萬世之極矣吾儒之學以盡性為極則然盡性必先知性自戰國以迄於秦知性之傳中絕六經四書之中往又寓其微言而其不可傳者終與其人

俱往則所存者果糟粕耳迨西方偉人與其奧
典東來然後性學續有宋大儒乃取諸彼以歸
於此惜其得之尚淺病在見小欲速而蔽於私
也千古不決之疑待我 高皇而定豈非天哉
豈非天哉而猶有可惜者當是時宋儒之毒淪
肌洽髓盡成聾瞶天佑下民佐之君師亦不能
使之昭明故呈極之敷言隱晦二百餘年不得
與六經四子列於學官則啟運諸臣不無餘責
夫學術之繫於世道大矣弟非其人也亦云志

而已矣故因 來教而盡之易曰同心之言其
集如蘭當不見斥也

黃陽強

久不聞問思子為勞遠屢使翰良用喜慰願辭
之費而貺之腆則何煩也所論自信不欺無所
借譽於上官而惟見信於百姓父老此謂平易
近民民必親之吾人樂道窮居欲見之行事之
實如此更復何求亦足以自勸自勞矣由今以
上尊官厚祿則有之總不如佐縣之德也足下

以為何如採金之後上所命也為臣子者不可
不敬第簡於節目而密於心思毋致為民擾而
生網實斯可矣且足下政在得民則此無難者
何容贅哉生多病薄劣不知叨冒至此尸素負
乘日夜慚愧思所以勉之者而不可得足下何
以教之南望仙島臨楮神往

吳安節年丈

恭聞我丈兀坐蒲團致虛守靜視營營生事
者絕雲泥矣又且不墮金丹黃白術中何幸又

世之談玄者多矣搬運也爐火也採取也三者
連類而迭進莫不互試而齊誤而一切不染大
哥恁地聰明哉雖然以三教源頭槩於一蒲團
之中則弟未敢輕諾蓋以坐蒲團而虛靜必以
離蒲團而不虛靜如此則是有意於虛靜也安
得云無意哉即周子之主靜立人極程子之動
亦定靜亦定似不如是矧孔子乎願老丈之察
之也來諭近士以圓明空妙之見濟其恣無忌
憚之行究且人人生疑而學術遂為斯世蠹此

曾子曰日省聞一貫所以千古真儒未可以頭巾語忽之也誠然誠然記口能盡其性則能盡人之性性相近也習相遠也性秉習而生種々各殊有教則無類安能盡得若曾子者固有失之恣肆者矣此資質之不美者也若遂矣而不教其為害又可勝言哉大抵質美如曾子者固不易得而質之不美如恣肆者亦不盡然惟中人為最多故教人者恒中道而立耳來諭云性體貴圓教法貴方此自學教人之準的文可謂

思之審矣然似尚有未盡者夫規矩方負之至也性體即人之規矩而方負之所自出也教者以人治人還之以自有之規矩而已豈有三哉若曰吾契其負者以利吾用而出其方者以使入遵守是二之也老丈以為何如夫性命之學吾人日用食息起居不可離者然至明白易曉無許多煩難老丈與定老相朝夕久之必有獨詣非弟之愚所能條答惟亮之幸甚 御製文集寄覽

集寄覽

龐丹徒

質直一念吾人居身之所珍也寧獨居官已哉
質直之人多蒙神力慈衛彼作惡者安能如何
但願足下倦々進德而已前云欲延了凡資相
切琢此直諒多聞之益也未審果否天下誠實
朋友難得若其得之不可失也當官之人常被
八風所動得良友相處是併懔而垣墉我也我
乃安然安則目加明耳加聰食加甘寢加甜歲
月易過不然外強而中乾言不出口而苦在其

心矣白沙先生謂著此利害不免開口告人為
丈夫之淺者固然即不開口告人亦難許其不
淺也吾人為己之學自須有下落豈以形迹可
觀為高品哉足下以為何如

王鶴松

不為者有為足下質誠退讓誠大受器別來數
年聞更刑名錢穀之任無所不宜取士於齊魯
之邦大得民譽已而割符出守政聲籍籍二年
矣可不謂才哉平涼大府也賦重民貧宗驕後

繁邊餉轉運訖無寧時則神形俱悴誠有如尊
諭者然如此即奉法循理取足以為治而已惟
簡之而不得者勿簡苟可得簡簡之可也惟於
官民之際要當驩欣交通而無鬱悒之態不惟
養民乃亦養身此雖不佞億度之言亦或有時
可用也何如

李鳳陽

生旰郡者非遊我近師之門必聞近師之風者
也矧若門下撤藩籬於形迹等聲聞於雅素而
過存乎不佞心期宏遠矣鳳陽根本地得明宰
矣不可慶哉方今四海乂安而東夷肆遂有民
社於淮海之間者不可忘備門下其亦講於內
政以寄軍令焉洽真愛於群黎申孝弟於學校
外若無事而內實可以應率此真邑宰事也惟
高明圖之諾不及贅

楚省督學

恭惟有道門下型範楚材風化南紀不佞嚮往
夕矣不佞有鄉場座師故蕪州太守丁公諱有

周者常德府武陵縣人也其人性孝友行嫻睦
任職以廉能稱最居鄉以仁厚得人鄉鄰孺嬾
無不知者聞亦為膠庠師儒舉呈懿美以俟表
明獨其清白子孫卑貧委靡遂至于今長者之
風鬱而未嘗不佞竊恫之伏望門下赫然下明
古賁文教登之俎豆之列擇其子孫文理通者
衣冠之以昭示楚國則為善者其有勸矣事關
盛典敢避未同輒此進言伏惟台鑒

曾植老

老文惓惓接引不知弟日夕在左右也頃承翰
教云身本也心大本也知止知本語修身也知
止孰知之知本孰知之心也不空此心心住所
迷當下不知矣此所以修身在正心也如文所
見是本之外有大本身之外有心孔孟二夫子
固未嘗如此說孔子止說自天子以至於庶人
一是皆以修身為本孟子亦止說家之本在身
並未嘗說心非遺心也心不在身外亦不在身
內渾身皆知即渾身皆心其含藏於胸膈之中

乃意而非心也心則本空不待空之而後空意
則本不空雖欲空之而不可得矣心本無迷亦
無所住惟意或有之而非真意也真意如目視
耳聽無住亦無迷也老丈之所謂心者果安所
指乎程子曰人須是識其真心嗟夫真心豈易
識哉弟非學佛者也因其書然後稍窺心體回
視儒先所論如隔靴搥痒入海較砂深為可惜
是以披肝露膽以為我兄丈勸詩不云乎呦呦
鹿鳴食野之苹鹿得美苹尚呦以呼群共食弟

何獨不如鹿乎丈勿謂心之易識而孔子之旨
之易解也又勿謂弟分心於佛學而不併力於
孔宗也今有人能汲汲乎求明其心求之於六
經而不得也又求之諸子百家又求之釋典惟
主以明其心而已是真併力於孔宗也而素何
少之即如佛說楞嚴一經其徵心者亦良苦矣
其仁後世者亦可謂至矣學以求心者安可置
之漫然不省耶此弟所以有勸於兄丈也試取
芻蕘之言賜三五日之青眄於是而無所益則

弟受妄言之罪可也吾輩皆老矣非談名理矜伎倆之時要得貼貼地受用結果從此發生得幾人不枉來世間一番而已亮之不盡

丘泗洲

承寄來會語三十部捧讀李太守公序文其言諄如也此公真仁義之人哉使人玩之不厭第不佞當之有餘愧耳恭聞門下以此學施之政一以教化移風易俗不惟躬行之又合屬縣而行之遂使一州一邑雙璧相映何可易得此殆

聖祖在天之靈默佑吾民而二公之精誠式受昭鑒故也以此深根固本萬年不可拔矣區區醜夷何能擾我願門下篤行勿輟世道幸甚

周侍御年丈

不肖弟不奉大教十餘年矣時事多艱何敢以寒暄套叙惟泗州祖宗根本地第春初有事于祖陵懋止三五日有陳迹焉欲聞於丈也弟當是時愧糜地方供饋乃賈勇合其有司師儒而講之以孩提愛敬之真性本願少酬供饋耳不

意州守邑令忠信而篤行也夫倍流末世敗壞
恬不知怪賈生歎之今泗州盱眙獨能以移風
易俗為務此我丈激揚之力而一聖祖在天之
靈默佑而然也弟之空言適逢其會耳顧實深
根固本之第一義而不知者視為迂闊夫使人
人知愛親敬長則堅革利兵制挺可撻而何憂
於醜夷我丈念此熟矣弟亦一言之不為賢也
乞亮

王學正

以童子一呼而應證一貫妙哉妙哉又曰駭不
能應者尋求之心隨聲而應者當體之心則剖
析太分明矣以不加一字說止至善尤為大了
手引范女之說以判出入無時公案允當強恕
而行云強乃仁體及辨物動動物之義俱當大
要此紙段段實落句句合徹了此然後言行相
顧為篤實君子更無無而為有虛而為盈之病
矣不佞前贈公詩云與子平分粵詞場角兩雄
記否是事了得乃稱平分兩雄也春官任取上

第矣但願勿作墮馬狀元耳一咲

再柬丁盱眙

學也者學乎道也道者天之命也命於何立之於時刻之間而已此處毫髮不容踰越故又謂之法孟子所謂行法以俟命是也蓋自其嚴之在我也謂之法自其主之在天也謂之命吾人步步行法俟命乃為聖學若一毫混帳更無學矣夫孝豈在入爵之榮哉奉天命以事吾親榮莫大焉彼區區入爵乃倍情耳生待足下以聖賢而順以倍情可乎願更進此一着將來大有受用硬中惠我德音是望

蔡見者

奉違台教忽爾徂秋每擬心神以化凡質會有賈奏之便獲申起居之私恭惟門下伊周之學伊周之位位與學符望由實著紅日一輪可以照大千世界真陽一點可以回大地春光欲速則有不達之虞罔果後有後艱之患酌斯二者惟在一心惟公既執心樞自然靡發不當素在

教愛之下者策拭目以觀其成而已贅語瀆聰
無任悚息

沈東霍

讀翰教有憂世無當之云如丈尚無當又孰有
當蜀中數十年來無三吳之水無充豫之旱無
荆揚之疾疫近以大工採木亦困矣又有三殿
之災繼此採取又可勝言耶弟竊謂此固氣數
不可逃而挽回之機實在吾輩如吾丈仁人君
子為此方司牧民雖困亦不至甚病此上天所
以有意於生民也丈其無以弟言為佞耶梁生
荷德栽培弱植自傾於丈則如天矣弟當心感
謹此附使以謝

馬杞縣

客歲劉布衣至辱惠德音其迂也不敢不布腹
心諒在照答嶺海朽生學識寡陋祇隨分家常
茶飯而已賢者謬以虛名存之何以報也到今
念之尚有餘愧但願朗擴冲襟保合太和溷萬
品於春融發天光於海印世道幸甚外小稿一

楊文家產文集 卷之十
部奉求正之

范廬州

客歲道貴治沐教愛多多叨竊南中雖去光範不遠然而未克修問于門下則因循之過也忽辱垂念有翰貺之錫拜承之下始自覺踈慵罪莫逭矣伏讀翰教所云易簡即是精微中庸不離日用謂是鄙說向呈於門下者生不記矣門下猶能記之即家珍也何庸辭讓哉大抵民之質矣日用飲食無非順帝之則學者識得此處

透徹無疑方能恕施於民令各得其所孟子謂菽粟如水火而民焉有不仁一言以蔽之竊謂門下所以行之一郡者皆是道也若不佞者徒能言之耳何益於事哉不佞年來自知慙愧而門下欲求鄙語令人增赧雖然淘洗未淨則舊業猶存不能下示友人而又安敢隱於知己爰具數種呈覽教之餘情不盡

傅約所

國家無事而為有備之坊賢才衆多闡入武選

武其貌而文其質今日皆籍明日擁麾矣息馬
論道橫槊賦詩文士縮銅墨方宛宛然束縛於
禮法之中由此觀之殆不如一夫長也而足下
終歛然若不足者何也虔江南雄鎮天下精兵
處也東連閩粵西接荆楚山谷深阻人民險健
長技鈎矛毒弩鈎棘鋼刀藤牌大旗之屬夷醜
弗能當也自揀練以來負重超距之卒林立月
餉一金士飽氣盛人人思一當勁敵而無所用
夫東夷今受戕貢矣海波不揚國也萬有一焉

肆其跳梁之患不南徧閩廣即北徧吳浙此四
處之兵吾度之皆不虔若也虔之卒常處於無
事而使之策應於所患之處必且有餘力以制
其敵下虔之卒於四處如高屋之上建瓴水也
為帥者坐觀四方之變以收全勝之功豈非所
謂吉祥善事哉然而足下尚不肯安處於此而
願徙他鎮足下殆不知他鎮之苦耳他鎮兵不
如虔餉不如虔事權不如虔不受寇不如虔其
他不如虔者殆難以徧舉也之他鎮更思用趙

人足下他日乃知之也願足下安之日與諸公
移分忘形飲酒賦詩為樂毋輕動念饒義士還
附謝厚意蕪蔓乞亮

袁海門

開歲幾何倏然兩月入世百年真如電光石火
老杜却云細推物理須行樂何用浮名絆此身
此顯象觀火何待細推也亦可謂不曉事矣行
樂之法各各不同而總不如講學之妙講學之
樂惟孔顏有之孔顏之後能奪此窩者亦鮮今

以說於大將軍之前用博一笑耳實不如耳後
生風鼻尖出火之樂也吳廣文先生往觀廣陵
之濤因寄聲

白年文夢山

恭惟老文厚抱弘施才譽籍籍有年矣方今天
下北不患虜東不患夷惟漕河之可患耳民歲
受其凶德而力役不息在事者類皆一時名德
屈力殫慮而未有長策此亦智勇俱困之秋也
諸公安得不推轂我文哉而又將何以圖之弟

書生也抱咫尺之義忝竊清僚乃足自愧耳如
丈者敝歷中外建立殊勛出則方叔召虎入則
張仲吉甫無所不可者復何謙讓之有焉承云
藉人以為視听弟以為不然文倘不以一已之
耳目為耳目而合天下之耳目以為耳目則人
之視听莫非我文之視听耳既無我之可分更
何人之曾籍是所謂書生之義也老文以為何
如哉附徃一笑

高通判泰崑

書至開緘讀之恍若接清輝於龍興福地聆高
論於第一山前時也恨不縮地促膝徃復傾倒
鼓掌大快人生樂在相知心耳何必富貴哉蘇
坡老上梅直講書可盡其槩矣生亦不可羈紲
人也自嗔賦性和柔不能與世人適人共知其
無用但尚未有厭棄之迹無因發意謝簪紱然
分亦有極以老母年高多病暑雨祈寒俱不相
宜必還敝廬乃得相安然則世不棄我我亦當
自退耳承札教有義關之說故云然大抵我輩

世味淡薄不難退步却以肯退步為難而難亦非聖人所貴也時行時止乃合大中耳此際亦不由人安排得第一要學問不錯了路頭學問不錯即縱橫曲直無不可者足下以為何如生托處海濱郡之東郭有地一區水潦必經衆之所棄生獨取之為之堤其下流瀦水成池中有高阜儻然廣數十武構精舍其中有堂以奉先師近溪羅子遺像後有高閣可以眺遠山迎遠流環舍皆水也用小舟以渡故客罕至宜淨攝

此迂夫菟裘也友人題十景一曰五老耒賓以前有五峯儼然可望也二曰三台應宿以門前平地墳起者三若台然也三曰翠微鶴舞以前左白鶴峯峙焉蘇東坡先生安置吾惠時故居也四曰碧水龜呈以湖中有阜若龜也五曰江抱錦練六曰林削青珩七曰雲歛娥媚八曰煙浮仙艇皆指其所有者也九曰東旭先輝以此屋面東昧爽登閣見日出景色異常十曰西濤洪響則郡之西湖水穿城出瀉于江其聲甚壯

也友人好事者輒為題咏今述其槩以徼大惠
以為山川生色惟無吝為幸

王閩州玉沙

胡友惺菴蓋門下知厚云近過生具道明公有
意於聖人之學世人所蠅集者視之不屑意也
惟以不得聞道為歎嗟夫此世道之幸也生兩
奉翰教已識明公之心今聞胡友之言直識明
公之面矣試一進其狂言夫人之於天地謂之
三才是人之大也亦猶天地之大也而懦夫曰

吾安能與天地比大也豈知與天地比大猶其
小者也記曰人者天地之心夫心者人之主也
今命人為天地之心則是以人為天地之主也
與天地比大而已退讓為不能矣矧曰天地之
主夫天也能不回面却步而反走乎豈知人為
天地之主非謬為大言以動世倍觀所實事之
理也詩曰是究是圖亶其然乎夫夫也聞三才
比大之說則不免於小疑聞為天地主之說則
不免於大疑者是不究不圖之故也或曰如此

則誠大矣不幾於窮大而失其居乎曰人之所
居者孰切於此身而吾之所以為天地主者何
嘗出於此身之外既不出於此身之外又何至
於失其居而予以是之憂可謂智乎是故由前
之疑謂之不勇由後之感謂之不智不智不勇
同歸於不仁故曰智仁勇闕一不可也今錄以
貞之門下以為何如各以耿守無由會晤特假
此以發往復之端惟照亮是幸

張江都

閨榮滿可賀未敢揣人恐滋擾耳承有心不讓
時之論則竊有一說奉復夫時者三才至理也
即吾人之真心也人本無心以時為心時未及
而先之則為前念前念非心也時已過而後之
則為後念後念亦非心也惟當其時者為心然
時不可止則心亦不可番執之即亦前念耳時
即是心心即是時而曰心不投時猶云心不投
心也豈理也哉足下之所謂心者蓋意念而非
心也惜不佞緣淺無由促膝細論之也惟幸足

下詳覽而審思之田中璧得出治其父喪感足
下仁心矣仁心隨觸輒應即真心也孟子所謂
見入井而怵惕惻隱者也可生者生之不可生
則已矣雖造物不過如此願足下自知自信不
厭蕪蔓為幸

陳志寰

辱顯使頒教盟讀如對仰見門下治郡能以閔
睢麟趾之意行周官之法度條約事宜二編規
模定於初政矣孔子所謂朞月而可者也迄于

今則聿觀厥成豈不美哉夫徽劇郡也簿書旁
午部使接跡為郡者第循襲故常猶不免勞苦
之嘆乃門下於吏事之外加意人心風俗若此
而不言勞何也誠於愛民故也愛之所至精必
至焉精之所至神必至焉神之所至雖赴水火
而不知趨百千里而不倦故鷄之覆郊也終日
忘疲不食而不飢不飲而不渴此鷄之神也而
矧於人之神與天地並何所不至神生於至精
精生於至愛今以驗於新安之政益信矣而門

下亦安事他求哉承諭尊志堅確勇猛不徹不休不歆為口耳虛文必求真透此過量人語也生之所竦然而起敬者也詩有之矣德輶如毛民鮮克舉之我儀圖之惟仲山甫舉之愛莫助之夫民能舉百鈞而不能舉一毛者失在於既舉而不自覺也如既騎驢又欲覓驢豈可復得仲山甫之所以能舉者惟其無所舉而已矣無所舉而舉仲山甫自知之耳孰得而助之哉然則門下之舉輶德如仲山甫可也則異日者不賞不怒不顯而致平皆所自為也雖使賢於生者莫敢助也矧若生之不肖哉感厚意不覺傾倒惟心亮幸甚

管東溟

客歲屢辱手教僕俱心領而楮墨奉報不肯遽爾諾又者以道無所執不欲以水濟水也門下幸毋以生中拒而遂棄之度外可也今朋友道絕誰為開口見心者幸而有一人焉其識與生不遠至如門下塵垢糠粃猶足陶鑄十百不佞

獨患不肯垂接耳肯垂接矣而又不知領略即當面挫過又欲遭遇於百劫千生其可得耶吾鄉過去佛六祖有云自心常生智慧不離自性便是福田不佞始衰矣忽覺近之倘可比師曠炳燭之談乎門下性宗之徹者也何以教之夫佛者魔之反魔者佛之似也是佛無魔非佛即魔間不容髮生甚慄之非門下善知識無與印證也懸企甚殷緣便奉訊青陽方泰君子道長恭惟萬福不備

許閣老

嘗聞聖賢之學以行道濟時為仁以功成身退為智仁不足則遺末智不足則失本仁智合一本末兼諛非聖賢不能也恭惟閣下道德發於文章學術施於事業贊佑皇極覆露蒼生遂爾具止足之懷稅寵利之駕為鴻之冥為鳳之舉使宇宙血氣之倫懷仰戀慕而不可及一何仁且智歟蓋閣下之所得於學問者深矣起嶺海迂生知識淺陋然平日實奉以為師資焉古人

松大史家龍文集卷之十
云君子居治朝則德日進生雖不敢當日進之
益顧閣下治朝之典刑也乃者光儀既遠矩範
猶存正想仰間忽辱鼎翰下及捧誦之餘又若
對清嚴於几席矣使旋肅此言謝外附寄先師
近溪先生遺集一部奉 尊覽無任悚息

告同門

明德先師仕無祿入悉以待四方來學其交際
所餘悉以賙鄰里鄉黨惟其財不宛積是以喪
而速質鬻田而歛 宅而塋諸孫有甚窶者此

吾黨所共見聞也先師之志固不在哉然講堂
為敬業樂群之地先師之風化存焉故學者之
方來未已也而無以供給之可乎粵稽寰宇之
內為士君子講習之地者若豫之百原楚之岳
麓豫章之白鹿洞類皆有田以供祀事以給學
徒今先師鳳凰崗講堂豈可沒又而已乎事無
舉廢存乎其人人無異同存乎其倡先師門士
分散四方念及此者蓋不知其幾矣第不倡不
和悅日愒月事之委靡率多坐此吾輩聚首都

門可倡而不倡復奚待哉是用敬告同門諸老
丈為師門延一綫之脉計在聚人為學徒推一
體之仁道存足食春秋之築盛於是乎出堂宇
之修葺於是乎存蓋財無寡而必施則事有眾
而易舉矣

趙閣老

恭惟閣下以聖賢大學之道輔弼 明主當國
家多事之時東西跳梁以次底定天下靜于安
瀾亦足以見大儒之效矣 明主倚畀日殷眷

注日篤將來建基垂問尚有千萬此者天下萬
世之福也 至 上春秋鼎盛聰明天縱邇來朝
講久廢上下濶絕夫家人父子之間久不相見
尚生猜疑况君臣乎灾異之來天心仁愛似宜
乘此機會請復朝講朝講一復百度自貞固不
必瑣 又陳瀆為也昔周公陳立政于成王合廷
臣而咸告故能成緝熙之至而公佐周恭先此
真閣下今日事也釋此不圖將來至憂亦有千
萬此者嶺外腐儒所見如此惟閣下亮之憂病

之軀無能為役今奉母居南中母氏年高多病
日惟鄉土之思見某具疏自陳便覺欣暢倘因
此得遂放歸田里 明至之賜也亦閣下之德
也母子項戴沒齒敢忘哉某無任惶懼之至

又

去歲陳情嘗以蕪詞瀆覽方懼獲戾豈期見答
道義之誨傳誦海隅包荒之度佐則千古謹貫
佩如珠璣瓊襲如珙璧矣竊惟遐陬未學幸荷
栽培庶草之微亦知傾日故自奉命承教即思

努力酬知遵途從陸冒雪衝泥顧此八千之程
自頃三月之久正叱馭于坵坂忽被 命于半
途茲蓋閣下以中阿之德長育菁義以大匠之
精兼收樗櫟不然踈踪弱植焉能自奮乎大造
無私于萬物萬物亦相忘於大造生誦此義久
矣敢一言及于私德以忝大君子哉謹已竊秩
番都叨祿母養遂烏鳥之私則易而效犬馬之
力實難蓋拙病不可以強勉尸素不可以久安
也踈遠隱衷謫在洞燭某不勝惶懼悚息之至

大九卿

嶺表迂儒素無寸補年來憂苦病瘁學植荒落
自分奉老母菽水守先人丘隴已矣豈意溝中
之斷頤取而青黃之提挈之感固深負乘之愧
尤切蓋晉都固首善之地禮曹尤風化攸關大
非踈慵若某者所堪陪貳也寧得無自惴恐哉
恭惟門下中朝碩德人倫師表無亦念是踈踪
錫之教詔俾得奉以周旋庶幾無隕越乎雖不
敏猶將請事焉傾仰有素茲因報任之便輒此

布悰矯首台階曷任虔切

朱虞封

陶孝廉五月至白下以登堂不獲奉覲清光為
歎然動定進修之槩頗能言之足以為慰乃者
辱昂翰裁荅開緘盥讀恍然兩心之相照也吾
人一身在世道中如寄頓於巨航之上風波安
危共之而舟中之人所任懸殊有把柁者有守
帆者有搭載者搭載者徒存憂喜之情而不能
與其力守帆者能致求安之力而不能明其幾

審於安危之幾而立於不敗之地者必把舵者也夫世道亦有舵焉是也而把之有法以其身為強學之身是也此弟之夙昔所聞於父師之教信之雖篤而行之竟未逮也謹因大教而述以就正且以為老丈祝嘗攷洪範之訓曰無偏無訛遵先王之義無黨無偏王道蕩又故學得乎蕩又之道而置其身為蕩又之身以涉於無津之海何不濟哉此正老丈力量之優為弟雖非其質然不敢不加勗以副盛心耳伏承扇

頭雅製二章及序云 謂易仁也仁一太極也不屬有無不落方體俱極佳極妥語此外更有向上事諒非可楮墨聲韻窮者惜未由促膝傾頷餘緒也

管東溟

辱札教歆進生於川流敦化之域生安所托業以及於此生夙夜強學人耳雖師羅子實未足以盡羅子之道譬之丁蘭刻木為母想念雖殷而血脉終不貫也祇今日用持循僅做得本身

分上事目要看便看不要看便不看耳要便听不要听便不听此外更着一字視之如斤担子惟恐其去之不速况川流敦化許大名目乎然則非惟不能及抑且不敢妄意希企也六龍之義門下位解漏泄殆盡雖然學患不成龍耳不患其不六也雖乘六十四龍又乘三百八十四龍皆可也蓋聞蛇修易成龍或動一念殘物之念則轉而為蟒夫一念之微而形性變易如此是以君子慎之未敢及於為人而必先自為雖確然龍矣尚不自恕如禹戒舜無若丹朱傲是也舜也而龍丹朱也而蟒間不容髮此龍之成者也猶若是廩廩也矧若其未成者哉若生者方自有意於修焉修尚未逮安敢輒有所犯若門下所稱引仲尼如來以及周程諸聖儒普度利生立人達人全機大用收放翕闢之妙此則龍之事而修龍去之尚遠不敢遽議也郵書者趣答甚急屬有匆冗不及細布姑叙其大意惟門下亮察

又

日者遣役走候無可為敬反滋擾耳歎又辱札責生追換之語落第二念令人爽然自失然門下大智慧必照破追換非真也承叙憶昔與先師近老同榻都城又同舟貴郡然後藩籬盡撤心耳莫逆今於不佞徒以副墨傳聖人之道終是對塔說相輪又蒙許都說具証學編者於高見十合八九異日可以相琢磨於聖人之道生讀之輒生愧竦蓋未敢以見許者自安而深以

對塔之說八九之合自省耳雖然生於門下自有無對無不合者在也副墨往來聊取遊戲而已承諭會期有待搔首延佇懸知思量襞績千般事到得相逢一句卜也生旬日以來病鬱不堪又值國故聚訟苦又所謂竒男子吳生者未暇相接持服署宿植人便草又布裘不備

孫蘇州

弟不天幽憂數載自分與世長辭矣不意晉視息天地間今春至南中會馮具區年丈始知我

文撫有東吳即欲任一字奉詢動履顧災異頻
仍修省不暇其有少暇之隙江魚不東遂蹉跎
至今也乃者敬問左右治吳游亦有餘亦常自
喜徜徉虎丘姑臺吊古伯之遺跡懷名宿之玄
風蟬蛻於繁會之邦浮游於塵埃之外乎弟願
與聞焉管東溟先生者天下莫不聞然率知其
才之高而莫知其心之苦自古聖賢無不苦心
者惟苦心故知之者鮮惟知之者鮮故其心愈
苦也或謂吾見坦坦自如耳何苦之有弟曰東

溟惟坦坦自如此東溟之所以苦也惟子見東
溟之坦坦自如此又東溟之所以苦也雖然知
東溟者百不如我丈之知一夫知者當務為急
急親賢也弟又敢謂門下知東吳者萬不如於
此乎一也我丈其詳之否乎饒舌竦息不盡

楊湛如

數載不聞問矣劉布衣至得接尊翰良慰辱念
賤軀多感賤軀年來多病然尚畱視息者良以
有未了之願耳學問一大事因緣如何了得如

賢來翰尚有火候多闕豈能成丹之諭賢既未
了而拙者又何時了也承云耳不習听口不習
講身不依道日與倍人君日與倍人馳真識雖
在而習氣沉重為其墮落嗟夫賢何為出此言
也賢耳自聰目自明口自快身自輕居者馳者
識者習者何莫由斯道也何常墮落而云云蓋
亦迷矣碩亦何迷之有拙者為賢思之隱然于
秉地不可縮身不能奮晤對何期搔首長嘆

與方玄宇

恭惟門下際休明之時奮雲風之會黎獻進為
帝臣天地萬物且莫不訢合胥慶矧其在素知
而閑情者哉不佞南中雖未得稽首稱賀然此
心則無間也先儒程子嘗言吾見人應舉及第
甚喜要知此意為公不為私今不佞亦云然也
知幼學壯行之懷於此乎一慰堯舜君民之念
於此乎更慙矣夫位天地育萬物其事雖大而
其機實在我而無難試觀中庸之論中和只在
吾喜怒哀樂之間求之耳或謂喜怒哀樂中節

豈不難哉竊謂亦不為難但能常以天地萬物為心則節不期其中而自中也迂闊之談敢當一芥之獻儻蒙采納亦必有時而不迂闊也何如何如衰朽之夫屬望良切伏乞台鑒外具近溪先生識仁編一部奉塵清覽幸有以教之

與王如水公祖

蒙索擬題以為令器助幸甚顧生於舉子業素踈於擬議雖願披瀝以應然漸無有也柰何然有一迂闊之言可以獻大抵舉業貴明理明理貴講學貴鄉乃學問之淵藪也何所求而不得而待外索哉若此云者乃生所以願為令器助者也非明公之素嘗從事者其孰能信之

耿侗老

奉違 台教曾幾何時而寒暑已一週矣恭喜獻歲方新福履增勝為慰起罷駕之質屢藉提獎得不退轉每一思惟未嘗不于教愛感切也先師羅夫子平生交誼在門下深逾肉骨而其一生辛者問學勇往直前一付繼往開來心腸

一段擔當綱常精力惟門下能知之今雖長逝而所恃以不朽者實賴門下去歲入南城羅氏諸孫歆襄塋事甚急墓銘之托起也率爾許之亦率爾成之自愧踈淺不任表章第地下之文足具大槩而已若夫立傳垂世非知己名筆不可也為此仰干門下不吝鴻製垂賁幽壤則先師死且不朽而我二三子亦有所藉以依歸門下大造斯文之恩寧有紀極耶惓惓愚悃伏惟台鑒

侯門生泰和

足下自治捷為有軍興之勞而民不告病官不告匱是才有餘也今陽曲視捷為十倍而無其難其於治也何有雖然其幾在心而不在時勢有競業之心則難者易矣不有競業之心則易者未見其不難也陽曲之難不獨在民而在於上下相與之際謙以居之信以成之不炫有能不處有功則亦焉往而不得哉使旋附謝并附此語以當切磋亮之不贅

隆昌尹劉西愚

今足下縮銅章應列宿為天子牧民於西甸大學不引詩乎樂只君子民之父母夫既為民之父母矣又何言乎願足下遂盡父母之道好民所好惡民所惡一分之賜勿謂小惠而不為一鞭之刑勿謂無傷而可濫不期而不可不期民之尸祝也不慕虛名而不可不慕古之仁聲也則隆昌之治庶矣乎承翰既遠及附謝并致區區

張弘軒督府

嚮者魯辱門下翰教感戢未嘗不在今春邂逅令郎祠部君蓋廩廩德讓君子焉茲翩翩為國學之游者乃次君也生于是益知門下重道尊德如古人而大與時倍異也今士之舉於鄉者未有肯依依於負墻言益之列者也蓋有之矣必其計銓資者也次君抱詩禮之兼聞擅執林之夙譽可以致身青雲之上其不假此以資銓也明矣且使不離庭幃不出戶牖以博其所習

而精其所業宜無不足者而乃不遠千里負笈
而來涉足於橋門而交臂於群彥此豈直以舉
業為意者哉諒門下平日所以訓諸郎者惟道
惟德道德者不窮之門也故不自以為足而復
於國學焉求之宮牆之內宗廟百官富美具在
惟次君之所取而已此門下意也然而明下之
所注意者皆時倍之所不顧者也不求合於時
倍而求合於古之人生於門下實加敬畏而豈
敢叨大惠以重為門下費使旋肅謝伏乞鑒原

葉玉田

袁了凡近日書來云天下政聲甚著可喜可喜
夫保民如保赤子固出於天性然仁聲足以入
人乃聖賢所貴若古人稱所居無赫赫名者又
別是一道非常理也子思曰吾為善而人譽我
是我之為善有勸也然則天下有勸矣幸益勉
之生叨秩清僚一字無補無足炊尊者使旋謹
謝盛情言不能悉

與劉少虛

日者辱吊先慈存歿均感閱月來病甚未免踵
謝良歎良歎適辱札教知老伯念我深也所示
修養之方果為易簡但不肖自學道以來志不
在軀殼有旦暮死生之意恐一有存生之念即
生貪戀貪戀一生即落淪迴故只要灑灑然無
掛無礙聽其自來自去自住耳茲奉大教實切
銘感容卜日面請其詳暫此謝不盡

與羅都昌羅山

客歲辱念遠存誠深感鏤吾邑仕途落落如晨

星歆得彼此相問何容易也生在南中為老母
多病圖歸者巨而不獲如願然神已游於水簾
雲頂上矣丈正強仕之時千萬努力期以賢聲
光邑里可也為令之事固多端而大要在愛民
但能常以民之父母四字在心目之間必有過
人者至於江湖隩區不可忘備而備不必多事
只將民壯着實操練務有實用則隱然有虎豹
在山之勢自足以折亂萌萬一有警靖之不難
此事只可自有方便法門稍涉虛張即招忌嫉

木下野堂文集卷之七
至於處僚友只以謙厚誠實為主一語不可欺
誑一事不可占便宜也待師生尤須加意寧可
自己菲惡不可失師生之奉生何為叠叠如此
盖同井相關之義出於至誠文雖知之而生言
之亦不為過也茲因胡醫官南還之便草此奉
聞

重刻楊復所先生家藏文集卷之八

邑舉人門生黃 璫 龔克修 男見峻

黃 玠 黎導指 見暉

署邑學博舉人梁 昌 仝較正 見暉 仝梓

侄見昕
孫開春

詩

四言

初信學題 丙子年

一是百是一非百非行遠自邇登高自卑邇却

無漸卑却無梯聖凡隔處一悟一迷口訣無多
格物致知

再證學改題 丙戌年

何者曰是何者曰非無遠胡邇無高胡卑是謂
無漸是謂無梯無凡無聖無悟無迷口訣從今
無物無知

羊城示同志

茫茫嶺海秀毓文明光天帝德暨我蒼生將無
往哲作我儀刑 往哲伊誰遺編可稽由來太

音其聲孔希按譜操絃聽者以疑 嗟予昏
幼誦古文日邁月征四十無聞諸子我從慙赧
何云 予雖寡陋尚幸師友誨我道真信吾固
有願言與子是圖是究 物備諸身道不遠人
簡則有功易則有親纖毫費力尚隔一塵 惟
盡乃心始知乃性鹵莽滅裂惟學之病甘為夷
稗豈曰無競

題上官參軍冊

幙天藉地枕琴蔭櫟厥形偃仰厥心偃倭有命

自天封章賜予益恭益虔循墻若懼同氣之親
火待而舉縹帙盈篋名士所與好善若渴孰厭
其取混跡在朝超神在野誰為肖之夢覺遽
其後寢昌視此題句

題夏氏象賢圖

於惟夏氏爰自伯禹于其子孫播越南土暨入
皇明文儒繩武赫又荆門經明道尊克勤內
行孝友是敦愛日遺榮我風如春翼又潼川
克箕克裘皐皮再設談易不休白下耆英邈然

寡儔

瞿又寧海其德靡晦禮學庭趨秩任郎

貴邁明不出傷祿不逮爰自曾孫規衿矩裾

衡門棲遲樂彼琴書訓厥後昆位為此圖予

交曾孫廿載以往嘉汝世儒欽此遺象為作此

詩以告來強

寄曹魯川

往夏徂秋君惠來游足我平生其樂綢繆招又
舟子曾不我畱往秋徂冬雨雪濛又搔首延
佇有鱗有鴻善保歲寒如何弗衷自各徂春

萬粟聿新樂只君子遐不顯仁抽絲若繭敷葩
如神 春徂茲夏示我藻火折簡絕韋大過而
可願言努力盱江則那

簡書美董母謝媛之德也謝媛秉德貞文

以相君子實生司寇為時名卿 綸綍再

褒後 命未艾史氏欲傳其懿以為世訓

而佐此詩

簡書煌又豸服有宜於乎不顯式賁其儀 其

儀伊何赫又贈御史亦既有文乃亦有子天佐

淑媛為贈君之儷 維彼淑媛誕自謝宗維此

君子玉帛既同于歸有期待鴈之囀 二姓爭

其囿郁叶各速于獄競墮姻盟尋于荼毒父多兄

多畏我宗族 東隣方告割西隣亦報絕惟新

是圖匪舊之屑展如淑媛獨抱姱節 謂大義

既虧我生何為絕粒不殊赴身清池覺彼諸母

疾呼救之 聞者縮息見者怨悔怒庶遄沮詈

庶遄已噉又之徒尚翕又訛又 此顧彼慮未

敢有行士女垂睽諛言其與誑女也謂士不稱

誑士也謂女不令乃心如一荷天之定 群祥
既集百兩既陳惡少流言扼之梅津淑媛俟之
三尺其緡我命在我勿問彼辰 君子乘梁來
迎有光遂造門基升堂及房既見君子我心則
降 敬矣新婚豈敢燕爾陳圖及史以勸
謂婦習女紅古訓猶理君子不學人見薄鄙偶
鄙而生實不如死謂言不信伊緡是視 爰始
發憤游心典墳焚膏繼晷機杼齊勤指彼鍛者
以勗晨昏 肇學聲偶習其句讀工苦踰月英

資駿發日記千言有佐必傑歸寧與俱諸謝也
謂大器晚成大道乃不器惟勤克家抱藝
不試道岸是登為儒之軌 相彼鳴鳥止于高
岡其雄為鳳其雌為凰雛濟又文明之祥乃
有司寇出佐我 皇 皇念庸勛載錫之命發
其幽光賁于玄扃 叶駢蕃嗣茲宜無不罄 誰
位此詩曰舊史氏凡百家室鑿其純懿佑我邦
家施于爾孫子

五言古

擬古詩二十首

行行重行行與君不暫離豈憚適理遠相隨到
天涯此地常晦冥會面安可知安得白日光為
君照容輝君行日以遠君心日以緩寒門隔靈
擢游子不顧返勞又征途間看又歲月晚棄捐
勿復道生世同此患

茫又巨瀛海蒼又藐姑射盈又神人若不飲亦
不食淖又處子姿皎又冰空格恍惚睹光彩轉
面不可識徒勞空山中何處尋遺跡

天天槿中萼翩又竹下籜我行實永久今朝返
故宅宅中足珍寶聊厚不為薄千金置鞍劍萬
金結俠客暮出游崑崙朝出游碧落群生塞天
地應手施金錯揮騰化人居解佩奉纓絡寶藏
固無盡姿意何所迫

今日一樽酒聚此平生親磬折歆何為談笑率
其真樂飲過三爵狂言為君申人生無堅質飄
若風中塵獨有一物存不淄亦不磷何不索巨
筏與君渡迷津無為逐世態擾又長苦辛

海上三神山虛無切太清黃金莊宮闕白玉三
重城非絲復非竹音響何冷又誰能為此曲無
乃安期生鳳凰舒羽儀玄鶴集雲亭身世在何
許耳目殊音形長跼謝仙翁下界俱含情何當
三萬里隨風送天聲

登山步飛雲殷勤拾瑤草歆以遺所思忽聞鵲
聲噪歸人千里至開顏共歡笑永誓無別離同
君以終老

星火當南离羲叔弭炎節玉衡倏西指涼飈散

餘熱由茲徂冬春巨輪無停轍少壯衰以老逝
逝向遷滅肌膚非我有親故寧不別榮名誰復
矜厚奉為誰設大夢一以醒慙汗對冥牒聖人
貴寸陰念此使人切

冉^又青蓮花結根太華巔峭壁斷金鑠彌望不
得前愛此蓮化鮮自惜無羽翰仙翁授刀圭竦
身駕輕煙稽首謝仙翁此花何由妍適來復何
術致我玉井邊三問三不語彩雲垂兩肩我願
從茲遠覽彼無窮原

南海有珠樹又日月光攀條采其珠盛以雲
錦囊散滿天地間又何况同一鄉此物取不竭復
宜久韜藏

穆又天帝居赫又臨下土駢又走日月漸又換

寒暑百靈序星辰萬龍降雲雨混沌迄于茲從

今復何許肅又絳節前默又不用語

西出長安門悠又長安道鳴佩何珊又朝下日

猶早同心各相招稽古共探討小儒不足為大

儒非意料買犢還其珠燕石以為寶白日升東

方萬象始分曉

世人懷徃古古道今不足我於世界中皇虞滿
吾目兄醉弟便扶夫死妻仍哭鳥飛魚自沉花
紅柳還綠終古有常然人情自反覆

絕世一佳人容華美如玉青樓結綺疏簾下理
清曲使君停車騎沉吟聊躑躅彩鳳何時來精
誠苦相屬携手凌紫霄雙修離劫濁

仙人跨鶴還又感丘墓人民非昔時城郭尚
如故賢愚同一盡貴賤無復數擾又塵世中長

驅不回顧一夢過一生後來仍不寤幻身竟無
常有來必有去自匪大還丹一真焉可固誰云
古聖人萬世不能度子今如有聞一意即千古
但恐非真訣迷惑蒼與素

絕學向千載洙泗流日分糟粕非真傳空有典
與墳燭火當耀日杯水救車薪龍德如正中利
見一大人但恐江水深欲從道無因

生平不滿百常懷千歲憂可傳匪如舜甘與鄉
人儔點鉄成黃金千年返元質誤人千年後仙

策長天息常能興茲懷得遇合仙術

凜又歲云莫興言觀群書大哉洪範篇帝訓孰
敢渝縱橫收七雄法律蕩秦區經術賣西京節
義傾東都魏才晉清談唐詩宋名儒宛又欄柵
中逐又名譽驅聖代闢乾坤默與三皇符相業
急濟時學術羞含珠歷年過二百風倍還皇虞
平康用正直賢智慎其趨

清夜朝上玄哉志恂以慄猛神紛侍衛群真儼
羅列衆生充下界形聲無不徹一感斯一應微

塵不分別古人事上帝後儒疑假設學不通天
人難以語明哲上帝日汝臨敢不自芳潔

友從遠方來遺我尺素書盥手開素書又中一
字無疊書置枕邊夢寐若告予子欲識子心子
心本空虚子能除子心我来同子居

明月何皎皎又當軒照我懷中夜不能寐攬衣起
徘徊精神倏飛越上又從姑臺臺上一月懸與
此同光輝欽襟下簾櫳流光暗相隨

擬陶徵君飲酒二十首

處世實大夢何事更齊之蝴蝶為莊周寧似翩
翩時榮悴緣識轉真性不如茲所以覺者心任
運匪復疑我有莫逆交對酒懽相持

古人順天命採蕨登西山善惡疑報施史氏輕
立言不患節不高患不見吾天求仁而得仁聖
訓誰其傳

異端塞吾道人又喪其情有酒雖肯飲亦取達
士名復有不飲者拘又勞我生真飲真不飲罷
辱何所驚與君結懽好各依真飲成

楊文公詩集卷之八
黃鳥音載好當春不獸飛偶然失群侶嚶又聲
轉悲眇昧若不定上下何依又精神感同氣爾
友遙來歸性悅遂閑止此意何時衰我願請天
帝使彼永無違

竟日披群籍不為衆說喧問君何能爾得一斯
無偏開卷見吾心開門見青山良友時復來由
然相往還奇字吾不識相對常無言

聖道千萬塗誰知非與是相是更相非見界永
不踐醴酒入我唇甘味却類爾何不自見又高

文徒為結

茉莉來南云三莖發其英馨香隨風揚感我故
園情況復月色佳尊酒懽與傾義御漸委轡堦
下虫微鳴不覺歌式微慨然懷友生

松栢經嚴冬卓又霜雪姿孤根異群植豈在葉
與枝凡物稟正性獸立不為奇春融萬彙作子
子空爾為思我湖上山何日稅塵驪

我登從姑山天門劃然開恍惚觀仙翁世界如
無懷仙翁為我言聖學久已垂江河亂其流鳥

獸失其栖灼又青蓮花娟又出其泥別見損至
精金石焉得諧稽首謝仙翁學子從前迷我今
得一見此見永不回

我有明月珠得之南海隅持以詫時俗此珠滿
塵塗暴殄不愛惜役又隨所驅慚愧遼東甌不
知世有餘置之懷袖間默又且自屠

自從孟氏來孰可與吾道往又存微言業業五
柳老縱飲非放達雖貧不枯稿我愛此酒篇字
字無不好珍珠雜魚目詎能識其實再玩桃李

源恍然解意表

仲淹生隋世麟出非其特上策不見收田然與
世辭講學河汾間斯文其在茲知命故不憂盡
性吾何疑大哉中說書周公豈我欺詆譏傷予
心願從子所之

有士同學道趣舍邈異境一士學長睡一夫學
長醒又牾還相譏誰能會其領睡者非我適醒
者非我穎曠又與醒又學人此當炳

孔門言為仁歆仁又即至譬彼中山酒一飲千

日醉乘墜俱不知寧復論造次海上逐臭夫汲
汲求富貴於我如浮雲蔬水有真味

天地俱無窮無窮為一宅形運能不疲神行乃
無跡大年十二會小年止於百有形無不壞有
髮無不白若不悟其真此生良可惜

少年何所事屯勉事六經行又向不惑恍惚猶
無成不如且置之待我問五更睡起理中櫛舒
徐步前庭茉莉花正開好鳥時一鳴此外未或
知聊以遣吾情

首陽與初下百世興其風君子胡不由哆口謹
時中吾門惡鄉愿無為徒尚通學步失邨郭學
箕斯良弓

局又當世士培井聊自得不讀秋水篇胡由祛
所惑吾人有神理而乃自煙塞誰青舍雙睫一
觀化人國始覺吾喪我隱几但默又

金門可以隱碧山可以仕所樂非窮通為仁摠
由已不待曾點言始覺三子耻鏗然舍瑟處便
是唐虞理人生大妄中妄又胡可紀不復夢周

公仲尼所以止捫蝨談時務雄豪焉足恃

陶公天民彥慨世少復真吾真既不復彌縫焉

得淳大哉魯中叟日月萬古新六經罹章句灰

滅甚狂秦所賴故來物耿又絕纖塵耳目各聰

明四體俱能動如何不自識浪子忘其親賴君

有巨筏與我渡迷津歌彼飲酒詩脫我頭上巾

一醉自如又永為羲皇人

丁祀師祠恭紀

依止周豐鎬俎豆我哲人奠此翼又堂率我同

氣親祀事修春秋講會浹靈辰所期敦孝慈共

於雍黎民

明又維我祖皇極何平又憲章者誰氏實惟

盱江賢妙悟默而成與時會人天無人更無我

忘義且忘年

嗟予何弗類掃門自壯歲忽又強以衰何能無

罪悔時又聚天倫加額謝明誨但存平等心可

以陶萬類

有客問師祠又門實易知對彼淇竹園內有雙

雙槐後倚橋門水左有祇樹枝多謝千里朋到
此請勿疑

筵篋引

令序還選勝良友追歡遊層臺見遠岫垂楊並
清流越兒何婉孌吳唱和且柔曲罷將進酒好
鳥如名謳壺漿各殊釀雜俎仍異羞徒倚但取
遶觴酌無勸酬舞雩非燕朋索居義所尤再申
伐木章悃又何所求清言戲中扁芝蘭開林幽
托身承明廬庶務素非道良時共欣賞何必升
丹丘光陰如逝川相樂其忘憂

仙人篇

仙人攬六藉降止太山隅神娥擎香霧五老列
庭除蒼龍統彩電祥麟啣玉書北極脫樞紐九
州安所如駕言適西周驅彼南宮車徘徊岐豐
側精神游六虛鳳凰來何時徒聞歌接輿迴駕
觀群龍與帝合靈符羲文告爻象河洛獻瑞圖
東壁韜榮光文昌掌閤樞秦火徧郡縣日月光
如又爾來三千載晦蝕由蟾蜍正直大明世黃

道開天衢巨靈挽天河又漢流為盱稽首盱上
翁與爾長相須

白馬篇

白馬公孫兒辨才四國馳一遇談天衍屏息無
所施小巫見大巫神氣能不微穴中兩鼠鬪焉
知是與非河伯適東海向若乃自嗤鵬搏九萬
里鸞鳩安可期東父居扶桑西母處咸池列仙
如嬰孩往來恒嬉又更有太乙翁呼吸搆二儀
二儀真灰燼不能損毫絲操舟趙士慄語冰夏

虫疑肉眼本無覩塵心焉可知載籍增障翳空
虛成頑癡君子慎所從自古無常師

名都篇

名都四方極神鼎無窮年閭闔生嗟峨雙闕造
青天甲第連雲起劍履何翩又玉帛來萬國九
州轉才賢歌舞燕趙選美酒斗十千季主開卜
肆長房掛壺天雕虫擅文苑吐氣如雲煙謀士
鄙肉食借筋公卿前車馬摠雜沓人物紛喧填
翟庭可羅雀田門可市廛日入各掉臂朝來更

摩肩日月流光華星辰順其躔太一有常居聖
德常淵又邦畿惟民止萬世常如然

閒雲館為張洪老位

從君起版築論學聖人前四海仰高風臺又二
十年一念慰慈顏屢疏辭細旃孝動皇情允多
子徒留連浩又江漢流蒼又匡廬烟行又望城
闕悠又歸園田慈親在高堂稚子遶膝邊已悟
靜者心不復窺陳編室中地不掃壁上琴無絃
請問唐虞理浮雲同漠然

聞新堤經水不壞志喜

新堤二三月春水滿四澤舍弟有書至基址固
如昔一線障波濤幾家安枕席飼雀吾親志度
蟻吾弟德述九暨洪所經理各有力而我但稱
心拊掌咲竟夕何必償目前功深久為得

轉官志感

端居咏伐檀囊粟非所安狗馬初病力謁告歸
就閒荏苒忽五載龜勉趨朝班未幾使河洛脚
命猶未還轉官出望外驚魂忸我顏此職不以

勞儲養義理間不能行也咫使我羞素餐何以
報高深任道庶無患

山中植樹

我本野鹿性十年強衣冠欲報君親恩一念耿
如丹薄軀常負疴夢寐思湖山又間有田疇草
屋八九間四嶺植松竹亦足怡心顏繫身不獲
圖我弟思其艱山上多種松澗多種蘭寒梅
如許樹修竹百千竿春至閱農功采蕨供菽餐
我歸有處所感汝貽我安把袂日造茲弟兄共

盤桓奚覺天地廣吾道自為寬十年計樹木光
陰如奔瀾

送唐曙臺

我昔未知學而子為我悲今我稍有知而子為
我疑此悲與此疑何慮更何思我番黃金臺子
還南海湄初謂展燕婉中更成乖離矯又雙龍
劍會合自有時何以酬子心別後時相思願言
各努力億載以為期

送顧涇陽

林文忠公集卷之八
丹穴雙鶴翔鳴聲何其寥側耳更結心可望不
可招歎此靈瑞德固當應虞韶宣尼豈復嗟吾
道重光昭時振千仞端萬羽同道遙至德諒不
孤何當共扶搖為君採竹實飛又不辭勞臨岐
多苦調相勗以神交

到任謁廟

丁亥年

忝竊玉堂署樞趨謁 宣聖精誠儼如在稽首
承面命吾道存六經一字是欄柄淵又復浩又
終古難究竟失之萬里途得之咫尺唯恍惚若

有覺肅穆中自競我亦一丈夫負荷豈不勝永
矢願學心陟降游 帝境宇宙同得一於以了
吾性

送友之建昌

邂逅東山上別來僅瞬息顧我雙髮班看子頭
盡白馬知滄海外桑田幾變易感歎誰能平聞
道庶不惑子今造麻姑端詳問消息鳴鹿得野
草呼朋與共食得訣子勿忘再晤相與悉

送李南鎮丞南雄

羸氏不師古十月為歲首顛倒每如茲吾道復
何有本末誰能陳榛蕪亦已久先達良慙慙衆
星仰樞紐明又惟我祖道與羲皇偶造士二百
年稽古庶不謬子今領青衿勉矣弘薪樞

題貞節李氏卷

氏節世所艱撫孤非已出雖云州官後寒苦不
可述孑身持門戶皓又水雲又漫又如長夜何
時見天日望又一孤長漸又孫芽茁一紹儒家
風樹立始宏達舉世謂之艱要以常理說天常
及民彛惟此不泯滅假使當其時失足蹈世轍
塵世三十載繁華會消歇誰能欺彤管為汝揚
姱節世際如白駒敢告丈夫傑

答友人王赤岡

玉署無劇務隨意玩篇什忽傳雙鯉至我友遙
相憶我友在何許又楚之澤問我十年來故
心還不易對書忸怩甚展轉深自惕耳常聆宮
商日夜辨白黑於心胡不能情態多迂適近來
頗見心心如赤子赤與君同師門知君久能識

此心苟同然何交不金石

寄弟

我年四十一亦知四十非雙親家萬里亭寐常
依又尚幸我弟賢夙夜侍庭幃我無補衮功祇
以竊祿違自從七月來三命清切司首展經筵
書再纂曹工題復令知制誥代草明光扉備負
立螭何異立仗騎天子本聖明忠臣要防
微秦隴早為雪東南潦氏饑委非親民職內訐
誠無竒肉食每自媿幾欲抽簪歸尚抱獻納心

終歆有所施不然望舊山歸來慰嚴慈春初種
松竹想已含綠滋未種應為種勿過青春時

李都運惠菊酒梨膏

離親臨歲晚百慮正紛然賴有良朋邇頻將尺
牘傳此來驚贈送不獨叙寒暄膏酒分珍味牲
肴斥俸錢厚施因令節叨受列庭筵拂箸梨膏
妙持杯菊色妍興超雲物外心見伏羲前翰院
冰為署滄洲吏是仙交慚吾報後道擬子登先
既醉陶又意因成十韻篇

偕黎文塘兄過滕縣

與子聯鑣行行又入滕里勞又吾何思偉哉鄒
孟子夫人於堯舜性善一而已指畫滕封疆歆
登擊壤理藥雖瞑眩同道實折枝比惜哉悠又
談為仁弗由已甘受齊楚欺深失千古會七篇
炳如丹百世真可俟履地興吾懷緬然發斯紀

謁孟廟

廟貌岩又象還依母氏開因知亞聖德原是三
遷猴再澄江漢流重揭秋陽輝彼我同丈夫吾
何疑畏哉况今大明時元氣合大回行役不能
去仰止殷徘徊

滕縣

疇昔之京國荒涼見茲縣今我復斯來甫田悉
為佃頗聞長官仁招集得民便麥秀匝四野牛
羊勿履踐但願風雨時民獲飽梁麩前日江淮
行稍聞趙代旬連年苦旱魃首盡離散不覺
投匕筋豈復顧厨饌茲土景物舒舉日皆可忭
天人本相待有備故無患彼豈無父母夫何懼

此變無乃期會繁反令慈惠殄征夫徒駭又憂
喜付聞見

贈蔣蘭居年兄之番都

爍又異珠寶靈蛇讓其光君從何所得懷袖登
我堂望見不待言精采非尋常避席下再拜賀
君福休祥君今有此寶照耀無邊方
事業世所尚名譽衆所欽道尊德之貴魏又太
山岑問君何取舍直下見吾心鉄圍不易破陷
併非難沉我今無所畏賴子為斷金

翼帝舊畿神聖啟茲土皇極叙九疇大明照
千古賜也知仲凡學本於文武乾坤十二會于
今正當午群賢慎周旋幸無忘鼻祖
緊畫與慢畫後蛇得其祿誰使爾先成又從為
之足十日塑鬼身五日裝鬼目忽然落鬼鼻半
月空勞碌二事予偶聞一咲寄茲牘

送年友陳啟堂泉州司訓

庠序徧寰宇師儒滿宮墻三年不相識一去如
參商君懷瓊海奇振鐸泉山崗模範慎其操令

德播芬香鶴鳴知子和川媚識珠藏此地夙多才行矣幸自強

送年友黃雲崖宿州掌教

前月乘輜車經過睢陽驛慨然思古人入城訪遺跡西去二百里張許今廟食秉彛在人心誰不好懿德君今涉淮流傳經聚逢掖文藝何足云忠孝為標的國家根本地士風景當植丈夫萬世名勉之在一息

石潭居

為周石潭先生作

神電化為石奇崛造物翺環以驚波濤封以疊岫嶂空谷罕人跡山靈俟閒放果愜靜者心于焉喜相傍結茅旋栽竹咲傲烟霞上儼若三神山石骨何翫醜予亦山水癖聞之心神暢所願未獲酬每又自譙讓

孟雲浦河西務招飲示往年贈我告歸之

佐奉答

契闊歡再會乃在河西隅延我醴與飧贈我明月珠珠中有錦字一又如丹書于其騶孟後氣

格與衆殊且家河洛間程門近其居淵源良有
自愛我推所餘鹿鳴知野草呼朋以為娛善哉
子有心媿我柴也愚 聖真方統一盛典崇先
儒學士慶所遭勉矣游康衢駕質不足陳高足
範其驅感子木瓜義欲報無瓊琚

潞河道中

莫嗟八千里悠 又半載行但此百里途已為五
日程矯首望雙闕霄漢承金莖魃氛號噫氣雩
祭厘 皇誠五年別金馬心尺泥餘舫安此淺

澁途以抑躁進情但願桑林泮及時濟黎氓

贈袁了凡

自從曉事來知子海內傑敢以文字知屈在弟
子列茅茹本同根恭拔自連結皇 又惟我 祖
開天秉全哲聖道漸休明中天行日月會使鄒
魯傳大轉唐虞轍精衛海可填愚公山可缺如
何悠且久萬物不成設知子抱茲獨我亦不自
潔默 又中情乎且喜未孤子綰符雖近縣何由
策蹇劣

寄答鍾羽洞秀才

松柏苦蘿蔓霜標黯然全蹇予寡和調時亦混
倍誼行至滇武涯乃遇鍾期賢遂畢買隣願徘徊
山水間韶石何嶙峋韶音幾千年似欲招鳳
凰從此來翩又一亂江湖心遂成魏闕懸夢斷
知音人魂飛水逕前

中秋積雨歇碧天月皓又故人傳尺素開緘見
儀貌書中亦何言謂我近樞要我本迂儒生通
顯非夙抱故人騏驥足宜騁千里道五十新狀

頭君年尚為少豈為富貴期所期在遠到長歌
對明月同明白相照

侯長德書至答之以詩

有人晉中來云子徙自蜀是人知蜀事咨嗟子
勞鹿二年令捷為強半在山谷勤師征羅方勞
民事芻粟以身為翼蔽豈得顧皮肉事定赤子
還方對長官哭忽傳功賞及相與歡不足從今
賢父母使我兒女育豈意天書下更調之陽曲
百姓徒板轅安能緩其轂驅又萬里途不得避

暑溽茲為都會邑車馬日馳逐鷄鳴出迎謁日
入對案牘忙又何為者自笑問所欲我聞媿閒
適嘆子賢勞獨天意在軻書動恐仁可熟遇錯
必利器歷塊徵駢馬懷此頗久如何由道衷腹
昨日寄書至開緘不可讀

送沈觀瀛先生之湖州

夫子剖符出湖隄勢雄豁今乘五馬車昨乘三
尺法久聞西曹彥出守必超越信道况有餘利
用必不枯州人苦昏墊機杼未休歇貢賦二十
萬蠲除那能活復恐寬政施驕縱生轆轤仲尼
見行事春秋書正月子今牧名州千里不擁閑
堪憐絕學後儒效久踈闊誦詩三百篇授政無
不達道術江湖寬無為响以沫賴子餘光輝吾
將謝嘲聒

送同門聶鳳泉還南城

君到菊未開君歸楓已丹羲御無停轍風霜非
昔顏錦繡登高堂慈雲滿鍾山瑤池在何許王
母安可攀從姑有真言服之勝大還夕馨吾母

楊大史家藏文集 卷之八
膳朝潔家慈飡擬足慎出口庶無憂患干與君
酌美酒談笑舒肺肝君抱風木恨我傷靈椿殘
念此更愛日焉用富琅玕長江浩無際歸帆渺
衝寒珍重為吾道事功非所難

送張見冲年兄叅藩河陽

柳色滿郊原行又逗華軒極目邯鄲道之子出
名藩結髮事明主義重若季昆鷓雛起丹穴
千仞各飛翻分袂即河陽何時奉清言贈處情
非繫行藏道是敦遙聞望嶽樓嵩少簷外導吟
眺意何極相思同夢魂

李汝弼

此心亘萬古此學迺久湮豈乏先覺咨其如已
識堅雌鷄空剝啄雛鴨自廣緣十日駐京國五
度親寒糴羨子載道器及茲英妙年歸塗遵大
路道即大路然况有師門在龍湖清且漣願子
勇向往勿被悠又牽

乙未冬杪赴闕過羊城同志集送咸以

此學相期予感而述一時贈處之意

驅車出北門冠蓋何濟又驪駒委僕夫壺榼傾
肴醴群公各稱願勉事 聖天子躋世成唐虞
生光照閭里聞言內自忸安能與斯理無已則
有之長途跬步始孤掌何由鳴聚蚤雷可擬願
言各努力敬以修諸已無憚悠久成無厭冲澹
旨常布可佐皇肉食反足鄙平生無寸長結髮
守聖軌徒嗟白滿頭始覺玄尚未多謝誠殷勤
何以報桃李

送別黃元質

所病耘人田所患為人師畏此病與患予維日
孜孜正切招樵慕久廢蓼莪詩之子來何所乃
自江之湄百舍固未歇重研亦不辭問子何所
欲為欲求先知我實無所知多謝虛子來為我
且安坐粗糲姑隨時朱明忽已邁金風動涼颺
懷居告別去無以贈臨歧颺又送帆風搖又風
中旗行矣幸自愛何須問所之

南吏部署冬季試掾聞鳩

距春尚七日春鳩已和鳴而我窘吏事聞之怡

吾情嶺表迂書生通籍事
聖明已逾二十載
無補虛時名真有如鳩拙何能卜陰晴顧吾方
默坐汝何為巧聲先春非汝智誨我宜丁寧

哭夏鍾舒先生

歲徃方驚髮翁歸益愴神見聞如夢寐涕泪濕
衣中憶昔來京國居亭與汝鄰詩書知世澤行
誼識清貧把臂牛山頂分携泗水濱剝塵無不
涉今古盡同論又三更歲飄又一第春誰能
忘故舊翻使白頭新佐禮重來日遲迴二十年

叶登堂敷舊几坐我率天真妻子多亡在孫枝
始一人淒涼感生世談笑間悲辛每誦予文可
朝聞夕可篇叶并欣神辨什誰謂便宜然叶一
盡無多慮千年不復親柳條自榮悴竹色倍傷
神對酒思同酌當歌無故人生涯知有極世量
渺無津舟航湏疾佐無使更因循

贈南大司馬周衛老

金陵根本地所守惟舊賢坦又此君子受知實
纏綿非無微疴積南國仰乎先連章未肯允最

後許暫旋嚴勅耳目臣以時報公痊藹又初春
日浩又春江邊款又却錢送依又周流連舉動
自典則老成固無愆灼又桃李花成蹊本何言
九河盛豪傑黃髮參人天東北兵未息中原且
多艱公自愛宗社無為媚林泉不得杯酒別衆
情何由宣稟度於群彥興言寄斯篇

寄家嚴及弟

十世孔宣聖七世王文中根深實乃茂源盛流
斯豐此道自余祖默成隨汚隆余父承家學發
熊君有言我所聞寶劍斗牛橫紫氛示我一書
號兵祖讓王說劔徒紛又方今聖明大無外此
書合出吾儒輩曾記羅公夜坐吟殺機自有生
機在

楊太宰致政

紛又車馬出都門共道虞廷儀鳳今孤騫大臣
一身善終始青史百世垂宰孫古人行道借名
位實似浮雲非我貴四時代謝理自然那得功
成不身退倚歟楊公今得之 主恩繾綣不可

縻七年正色掌邦治十疏乞骸歸海湄惟公令
德原孝友厥德如淵福如阜一心要回世界還
淳風道率平常令可久救世之利那有全雖云
中正等是偏世界即如推屋壁東倒西推仍倒
邊只有天公善張主陰陽不得長寒暑太皞竣
事祝融來玄冥繼政蓐收去公知此道復能行
竦身霄漢何冥冥又晝承三接君恩重年老一朝
臣義明愛身便是愛社稷天下本身以為則宇
宙何人不愛身善與不善存乎識倚歎公全三

蘊開無窮過庭日詩禮大儒誨余宗敢不自惕
厲門階尚無從影響雖有見佐輟原非工行又
向不惑我友來嶺東十年重聚首所說非昔同
兩月甚開益因之麻姑峰托病謝人事專參近
師翁目擊道已存五日心融又絲毫無所縛四
體如乘風生機淳然出左右原自逢始信學貴
傳匪傳錯施功立德苟不孤響應如洪鍾用行
舍則歲何事輕王公友于倘同志吾土迴淳風

送余雲衢冊封周藩

在昔皇華使周爰慎咨諏與子共夙夜親見周
宣憂輜軒遠河洛敢誇弩矢謀知子抱至性疾
惡如仇讐試問牧民者不如羊與牛長河亘南
北咄哉無泛舟帳此對厨傳屢見匕箸投歸來
過里門薰面深兩眸依又問桑梓温又相慰休
到縣揖縣官叱馭遵道周時事難具陳且遂友
生求

七言古

寄答熊文學諱思孝

達尊此舉可為萬世式國子先生無馬騎不能
出門望行麾憶公高談壯公舉援筆記事還成
詩

題端銘徐館丈雙壽冊

古稱孝子必愛日一日之養不以三公換豈謂
温清及定省裘葛輕細進修腰用力用勞俱有
窮小孝中孝寧知古人愛日之深衷立身行道
為大矣此豈悠又能致功君家雙壽表東海積
慶生兒似元凱五載留君白玉堂夙夜有懷詠

南陔君不見言公渡江造孔庭學道絃歌教武
城吳中賢豪先後雖相望到今只數文學名况
君承明擅著作位百僚師又焉不學養志曾參善
守身奚在斑衣始為樂吾親雙白亦遠離與君
不違同一思長歌祝君且自祝俱享眉壽無窮
祺

鄧將軍行

邑侯鄧仲神仙姿授我乃翁之所遺乃翁乃文
兼乃武將種拔起泉海涓六經三畧總貫徹詞
人劍客同襟期揖讓之間中百步倚馬之頃成
千辭八閩選武居第一橫行海上誅鯨鯢氣吞
夷虜自草檄身對賓筵師破圍合佐投戈講藝
主取彼橫槊賦詩兒燕頷虎頭人所忌白日青
天世共知歸來腰鎌刈藿葵時復倚槁吟吾伊
有子已能興父業一文一武輪並馳仲子連膺
寄命托季子重編籌海書將軍為將不嗜殺胤
嗣食報俱得時挹彼注茲天所厚立言不朽已
所為將軍久乘白雲去太史今識寒松詩合當

采入世廟功臣傳東南名將孰踰之

發太湖題壁

一日淹留避風雨二日淹留置布絮布絮足御風雨

寒三日驅馳直北去多謝縣簿誠慇懃願言推

惠及窮民更願天公憐赤子不將風雪勝陽春

景州老輿卒行

北方苦雨坭土湫肩輿欲渡行人愁左支右吾
相拄撐蹶躄七日方景州到傳便覈傳舍長選
卒多用丁壯儔一卒開之掩口笑疾走壁後低

其頭我亦不問乘車出數里穩貼如乘舟他日

欲睡輒驚醒到此軒又慵展眸涉水衝坭俱不

覺上坡下坂良優游久之見是笑者亦鬚髮皓

白皮皴皴摩肩意氣獨酣暢呵叱前後如驅牛

我乃竒之問其齒云是花甲餘春秋無妻無子

一身健衣食只與肩為謀平生無病不知苦度

日如此死即休我再問之不復答使我感慨生

餘羞古之老耄不負戴口食梁肉身衣綢漢尚

復笑賜爵級寧使負重走道周顧役之法方有

此大造不齊吾何尤前日齊豫人相食凶荒瘥
札填路溝此率顛顛能自給於天所得良已優
平原門下失毛遂信陵上客夷門侯從來不敢
皮相士以力尚失况德求於嗟乎以力尚失况
德求

寄哭苑馬李文軒先生

歲次在郊閨月中夜靜庭樹飄寒風花將零落
忽值此黯然傷懷淚難已古來仙人多姓李一
謫惠陽將五紀來時海嶠看人龍去日士林摧

杞梓生平意氣不可羈萬里之翼千里蹄早攀
南斗戲碧落晚倚北辰司是非塞淵抱獨何人
何人識豁達論交四海知 廟廊有意推梁棟
蒼旻那肯長畱用主馬汧渭 明主恩作記玉
樓天上夢東西兩水今茫 又羅浮半面減輝光
雍門歎息堪氣短李白文章空燄長不必負舟
驚有力人生自是駒驟隙一息之間成古今古
今常然無變易嗟君方死亦方生何用有情淚
沾臆

贈汪生

國家養士二百年不獨文武風雲相後先亦有
賢才委山澤或然挾術遊幽燕如君自是七澤
賢遠談世務高談天或時握手稱太素或時抵
掌韜鎗修幹廣顙垂虬髯豈不冝食肉乘錦韉
柰何折節公卿前方今才智皆駢肩雖欲奮袂
無黃緣丈夫自食既有策但得俯仰無迍邐疾
夫擁塞數十日喜君造我常流連君術但言隔
月與隔年豈知吾道在目前吾知吾道在目前
不厭君言隔月與隔年儘君談罷與君笑君欲
何之便出門我獨有願叩蒼天願將此身為甫
田盡給天下賢士無寒煙

五言排律

夏至齋宿五言十四韻奉呈膳部楊君儀
部駱君

皇矣我后土至哉物資生儀陽惟靜德配健
協時行赤道輪初邁金輝魄始生一陰從此長
萬彙馴茲凝肅穆欽元祀端居助聖明北郊

遺鷓列南禮貳宗卿夜宿清魂夢朝看異兩晴
禽聲增寂景樹色露空生列宿分星象含香進
雋英微言窮始復惕志勵寅清月窟為難探天
根豈易升古人胎教義大易履霜情穆又觀無
始熙又識有生心齋如一得永不墜疑城

壽益府殿下二十韻

運適千齡啟疇仍五福駢本支周幹鉅磐石渾
宗綿殿旭旌旂動宮霞彩翠騫地分南嶽近親
比後星偏藻翰鄰枝從璇對魯衛肩裾曾當日

曳醴復幾時延孤矢逢花甲貂蟬侍綺筵小山
詞客幸大藥異人傳玉牒丹霄上銀潢紫氣邊
香隨龍節滿雲逐鳳笙旋橐籥聊觀妙希微即
象先青精裁佐膳鴻寶續稱編道合神明極心
函造化全輿情元翕若善頌喜徒然孝友聞於
國絲綸美自天剪圭非共戲舐鼎或俱仙緹鶴
曾餘事莊椿直小年三光將並朗五岳與齊堅
謬忝場苗狎長懷苑樹前金膏如已就為我寄

真詮

五言律

謁閔子祠

古屋臨官道先賢閔子祠
草荒封鬣塚苔剥麗
牲碑尚想盧衣泣
燕懷費宰辭征途拜遺像
千載亦吾師

季氏三桓盛當年替子孫
如何一介士廟食到
今存孝德人無間
高風自可尊有司
修祀事百姓走荒村

芝佛寺 為石潭先生作

探竒開勝蹟傍屋結精廬
芝現三身佛龜啣綠
字書不隨僧入定
常怕友來踈忽契無言
處虛空那得如

送楊臚山之維揚

清時才不盡醴政用吾儒
驛路相逢處青燈引
話餘齊人知管仲
吾道只軻書煮海非君
事安民是國儲

過定遠

兩辱輜軒使重過定遠城
侍童迎舊客花卉問

新亭的又知陳迹微又覺有情本來無繫縛明
發信前旌

宿陶冲

郵亭存野意秋後日猶炎山好既堪愛程寬不
用兼玄蟬鳴外樹白鳥過低簷引話偏無極同
心覺未嫌

郊遊和韻

剩有三春色言從陸丈招晴原低綠樹耕野逗
華鑣水活蒲爭長花繁鳥欲驕不將棋酒至風

日太無聊

棗樹

樹下陰如屋香枝匝地垂吾儕携酒處爾棗放
花時有實兒童摘無材匠石知成谿若桃李難
以並幽姿

渡江宿孔壠題壁

孔道通南北頻過豈利名君親千古重夷險一
身輕浪破潯陽闊車驅楚甸平願言賦歸日無
媿柳條青

過北峽関題

何異梅関路惟殊未有梅提封三楚限職貢八
藩談天險連雲鑠時平帶月開不知関上吏望
氣見誰來

舒城道中遇雨

嶮曲千山過微茫四望低雲連舒子國柳暗令
公蹊谷泛桃花水騶嘶錦障泥無嗟行役苦堪
喜是春犁

呈徐及春大尹

邑宰迎賓出因之為省耕一犁歡雨足百室俟
秋盈妹子漸無補緇衣空復情陽春如可擬流
韻滿舒城

別泗州學正王鄉丈

與子平分粵詞場属兩雄撤臯真子厚講易愧
純公泗水淮原會江流漢亦宗他鄉正春色不
厭夜深從

別蕭生

文明當盛世何他不英才岳瀆分群望貞元作

合來萬金非貴重一諾絕安排老我思狂簡焉
知所以裁

別泗州王守

不見黃州鶴今從帝里飛古來稱悃悞何可論
黃驪會見文翁化寧專子產慈請看移信日全
在簿書期

別盱眙丁令

草創無城郭崎嶇萬壑中人民移舊縣鷄犬識
新豐小試牛刀割長驅虎穴空知君意高遠不

向眼前慵

別天長徐令

城郭何完美人民自大風天長三楚盡地闊五
陵通入境聞絃誦何年可即戎因君問子靜如
會淝之東

石角舖

溪路已熟未覺往來頻稚子知迎我青山歆
識人石橋臨斷岸茅屋結疎隣馬首從茲適無
勞更問津

郝園海棠

尋春何處是春在海棠枝色與開尊麗香於入座宜有情供妙賞不語勸深卮共道芬菲正相將來後時

楊年伯太封君壽六十

命服輝潛德幽人自吉貞報君歡有子正倍樂無名愛日巴中遠瞻雲穎上情焉知救饑溺偏勝九霞觥

七言律

論學四首

吾人為學學為人要學為人莫遠人耳目聰明今現在言談抵對更何真此時豈屬修為力當處無勞說夢頻識得便從如此去康衢擊壤做堯民

感慨千年絕學來徒將影響自疑猜懸思妙悟翻成寐更說真修轉屬乖萬里只從跬步去六經都把現前談平只是法無九聖直向羲皇未畫開

無聖無凡無不同希賢希聖錯施功身心背戾
從茲起夢覺紛紜何處通雲物浮游山自定江
流盪漾月還空半生學道吾何有只是當年未
發蒙
一樣風光處又同誰因彼此自分封既知飛躍
皆吾性部謂愚柔有別功氣質標題原宋語誠
明色目自中庸中庸宋語都推部半夜聲來何
處鍾

壽張陽和先生

菊蕊方收梅未開群陰盡處見陽回兩間竅妙
誰先覺千古真詮屬聖才刪後我漸已里唱畫
前君見伏羲來慙慙最有衡陽客壽冊乃先生
門人曾金簡
製所多助南山獻壽杯

友人酌罷口號

一樽寒雨擁寒襟笑語今知契分深千古孰論
無畏志萬金難博不疑心空煩鞍馬歸坭滑獨
眺簷鴉下晚林嗣後可能念真率不妨乘興抱
瑶琴

戊子主閩試道宿雄縣

朝辭丹陛出幽燕暮宿天雄易水前
明主千金求駿馬詞臣四牡向炎天
盈疇禾黍忻迎旆滿日流移喜受廛
但得仁賢濟饑溺不妨霖潦泥鞍韉

懷長安同志呈同考如野劉考功

馳驅本為求賢出况有英賢共事行
六月不知炎暑重一身真覺羽翰輕
親聞遠役懽嗟意友在長安離索情
但仗同心得相濟肯教踈淺負

皇明

送張孟奇下第歸羅浮

萬仞羅浮海上山飛雲杳靄有無間
陸沉滂自金門署雙起看君玉笋班
二石樓前雲氣滿四賢祠畔月華殷
年來欲試丹砂訣遲我移舟海石灣

送李宇度年丈之南平掌教

匣中雄氣斗間橫此日天教劍浦行
抱負肯輸周造士衣冠聊對魯諸生
九峰郭外光風碧百

角樓頭霽月明絕學正憐君姓李好將吾道沂
延平

寄林閒雲道學

閒說閒雲好是閒一毫名利不相關聲希點瑟
誰同調樂寄回瓢老未闌濯足懸流迴鳳水振
衣千仞落韓山乾坤隻眼還千古自管尋常破
笑顏

自警八首

猛省吾憂那可寬僅從彌月對君懽沉疴始蓄

三年艾萌蘗猶尋十日寒朱火熾然秋頓改玄
冥瞥爾歲將殘興言欲藉同心力一擬揮戈日
未闌

天地生人果有初眼前無欠亦無餘六經本是
吾家籍大學原非孔氏書莫把陳編求影響須
從感應契鳶魚此鞭不着應難到珍重良朋念
日居

願學由來的有傳吾今安敢負前賢為山只合
無虧篋棄井多因未及泉利欲久拚遺倍累身

心真畏愧蒼天試看列國柄又者豈得凝神便
晏然

宇宙群生各自成何須思慮苦又性通形色
原無外誠合天人為有明湯笑玄宗稱絕學休
株禪教說無情請君試把中庸會何事篤恭天
下平

克復為仁不易裁真機渾似地中雷幽陰魑魅
即時盡端正乾坤一旦開好把圖書看論語莫
將原憲佐顏回天根月窟緣何事可是堯夫

到來

為學休將奇特觀夜須眠睡晝須餐但圖會裏
訂盟約不要門前豎刹竿又平又皇極理明
明白又善心端畫蛇只恐仍添脚前輩應須盡
手看

天道惟誠不用疑却須人道始誠之欲由人道
歸天道應使先知覺後知赤子良知原不慮聖
人中道即何思此機日用人又是認得真時更
是誰

識得真心不用澄習心封固却多層求方誰誤
醫無妄知過吾憂寡未能眼裏豈容金玉屑心
頭難掛是非藤請君內照時又省若也方人是
病癥

壽陳母八十

君家兄弟各委蛇壽母茲晨獻壽卮樂並填篋
承綵服恩隆金紫照瑤池堂前稚子將雛戲堦
下繁花簇杖移定愛園林多種竹年來頻看長
孫枝

贈方文坡還青陽

野鶴孤雲何所耽桑弧蓬矢是兒男有身本自
聯家國無位何嘗缺贊參浩又風塵來冀北飄
飄身世逐江南應知門下多咨決為道真傳不
在談

贈李勿齋之任丹徒掌教

昔年道路曾傾蓋今日過逢是故知身在病中
君屢枉道從盱上我何疑天機浩又言難盡行
色匆又興未移此去應知桃李滿春風京口已

離披

虜叛寇邊大搶鞏昌臨兆官軍不能制

上命貴州巡撫葉公移鎮陝西寄

賀

一自和戎患虜驕曾將封事奏

前朝廿年士論歸先識此日

皇俞下九霄周家獬豸侵方鎬漢世匈奴犯渭

橋

聖主只今隆上策佇看鏡吹入虞韶

飛來寺

峽中真境鬱岩堯帝子何年駐鶴輶萬里風雲

飛梵剎九關虎豹護神幟玉関猿逐番中宿金

鎖犀沉控海潮便欲訪求方外客相携結屋住

山椒

湏流南下越王臺連峽風煙望不開下界舟航

依石轉上方鍾磬出雲來龍叅靜法來磨角魚

悟慈恩去暴鯁幾度經過憐勝境人間何必訪

蓬萊

楊大史家藏書
卷之八
煙霞四壁斷人寰獨綰通津此一灣閱世長川
千古碧催人短鬢廿年班本心非有何須定大
藥原無不用還是事傷奇聊一笑輕舟已出萬
重山

讀飛來寺誌

當年卜築曲江頭幾傍禪關繫去舟藤蘿外接
諸天近氣色遙連百粵浮掬水旋供雙鶴髮登
臺擬着一羊裘自還魏闕漸無補獨擘圖經憶
舊遊

神峽嵯峨接大荒百雲呵護自虞蕃南盡海門
浮日月北回天闕下鸞凰祥光繚繞神仙窟虹
氣旒暉寶玉藏何日登高還欲賦金門將進乞
歸章

贈李克菴楚中開府

聖主垂情四海窮特俞京兆鎮荆中當年箇簞
三邦罕近日流離七澤同江漢西懸流浩又山
陵南望氣蔥又
不須更上籌邊策自古安民是
禦戎

曉入龍華訪憨山上人不遇

聞說憨公到寶林朝來乘興一相尋
田間雪積平如掌寺裏鍾稀寂似心
爐爇梅檀香細又園開祇樹宇沉
又由來此法應無住不見空歸義
更深

辛卯試筆

為憐病目拋殘簡并歇狂心罷遠人
腸月已隨寒律盡春風應拂柳條新
客采欲問無奇卜酒至當呼有北憐
四十五年一夢堪迷復不

求真

人日寫懷兼送族兄南歸

歸計蹉跎未乞身皇都新歲又逢人
病存馬骨忍離主老共鷄雛思傍親
薊北雲開雙闕曙嶺南花發故園春
那堪心緒無聊極更送將歸益
愴神

送壇經憨公戲偈呈覽博一笑

未須更坐白牛車歎息曹溪道路賒
處又圓如意寶心又朶又妙蓮花康衢擊壤無千古舜

林大史家藏文集 卷之八
日堯天正一家為問牢山老衣鉢但應如是住
煙霞

南華寺

來到師門漫說禪寶林今始識西天蒼又古木
清因地泌又春流帶福錫水潛通香積裏孟
龍長護法堂前千經一句渾無用使我真慚學
蠹編

奉命祭告泗州祖陵感思高皇功

德之大恭賦

明又我祖邁羲軒聖德神功豈有前天地
不知高厚極圖書重與洛河詮顯謨已入諸
司掌精蘊還須識大賢典禮微臣何以頌惟勤
稽首祝堯年

別泗州盱眙兩庠師友

聖賢道術千年在豐邑人文二雅存無說敢當
花雨讚何能不愧雪深門辰居此望真無極泗
水東流亦不言珍重諸賢還久立莫離當處覓
乾坤

當下吟二首示諸兒

學惟當下是真心當下真心不用尋一掬元和
隨物布三更夜氣此時深頓齊聖位通明德不
受人間污染侵此法是誰相付與端從羲畫到
于今

當下真心是謂良不由聞見不思量千層習氣
須臾盡萬卷經書片語長輕可御風超儵忽清
如臨水濯滄浪也無奇特無增長只是孩提愛
戀常

中站地名店填任 寄謝范太守

蕩又提封壯郡哉句宣今仗出群才胸藏萬甲
知氛息民憶無孺恨暮來經費素從清德節華
筵偏為故人開慚予薄劣無何補空負承筐不
易裁

鳳陽別駕高君文學梁君輩暨諸生會龍
興寺者并別後寄懷

步上高臺望 帝陵鬱蔥作氣護龍興山川不
改風雲色疆邑猶傳玉帛靈佐賦大夫頰式燕

稱詩諸子頌 皇烝愧予無以酬嘉貺握手慙
懃詠鶴鳴

中都鼓樓赴儲司彭晦虛親丈之席別後
寄懷

第一山前第一樓當年締造協神謀萬家闡閭
如鱗合四野風煙似海浮桐栢東來思禹績星
辰北望見 皇州何須更作登樓賦已為司徒
半月留

甘紫亭侍御奉 命按三吳便道歸壽太

夫人六十有一

驄馬驅馳雲正飛又歸去覲慈幃堂前萱草
重花甲郭外南山映繡衣四楚已看霑雨澤東
吳行且借霜威白華之養何如此獨愧能詩束
廣微

天閔講學示諸生

南域精華回嶺海白雲晴色照仙城烘花日暖
薔薇麗掠燕風生楊柳輕定坐已忘塵俗念咏
歌猶浹冠童情千年遺範瞻先哲萬古斯文畏

後生

題東莞伯祠

開國勲臣近有祠當年忠順鬼神知
涓埃自匪歸河岳桑梓誰能保
亂離碧甲潮來堪灑淚黃旗峰起想行師
珠簾高棟蔽題主亦有鄰翁走歲時

與友人登海上文昌臺

萬頃滄浪着此臺金銀樓閣望中開
交疏盡向虛無結登眺都驚妙有裁
文武古今新重地郭

蕭前後濟時才無窮事業看諸子
今日同遊咲舉杯

南步望虎門

堯封南盡滄溟闊極目連山有一門
天設邊關成虎豹我尋奇甸到山村
近傳消息東夷款遠馭機權上策存
濠鏡南頭俱重鎮華夷一統帝王尊

登彈子崗石砦父老送酒

春風携袖上高崗一望南天正渺茫
蒼海自隨

胸次遠白鷗都與世間忘天開几席星千箇地
走龍蛇木百章父老壺觴堪一醉蓬萊何必問
滄桑

次韻奉答何親丈見賀得子

生辰得子笑顏開驚動高親好句未秋晚枯楊
還發梯月明老蚌果成胎椿萱萬里南瞻斗弓
襦三旬蚤報祺是日慇懃潔湯餅須攀一醉共
恢台

柳師中秋壽謔

龜石潭頭一草堂中秋明月照滄浪仰觀天宇
何寥廓懽與群英共露光老去詩懷多活潑重
來花甲倍尋常門生欲為先生祝封寄南山第
五章

越城北郭別友人

自覺迂慵忝昔賢諸公無補負勤倦梅花路上
占春信栢葉樽前送賸年萬里不須愁白髮千
秋端為惜青編古來賢聖皆吾黨何待歸歎嘆
斐然

曲江除夕呈夫人雲樓友人劉肖一
瞬息時光又一年幾何青鬢已皤然無窮宇宙
乘流逝太極陰陽逐磨旋伯玉非從今夕改宣
尼易向詰朝編丈人小子俱安坐聽我狂歌楚
水前

修郡志有佐

官署蕭條坐夜闌目窮陳迹費新刪堯封禹服
原千古風氣人文又一番南海此身同是聖東
吳當日獨非蠻道人不動江山色領取皇風灑

字寰

過螺川有感

天涯孤客重來日淚下螺川不可揮意氣百年
龍劍去淒涼十載馬封頽文晉琬琰餘能幾愛
在桐鄉記者誰強向風前支病骨更堪傷感并
年衰

陪董擴菴沈雷門携酒酌徐覺齋之洗亭

都憐簪合欵言分耐暑過從共細論天為池亭
開世界兩隨談笑列壘樽遶欄葭莢菲又舞薄

暮雲霞故又繁何物是心還用洗只今相視已
忘言

玉笥山人聶道亨自滁渡江遺予丹藥予
形骸元不繫念感其意勉服賦此以志傾
蓋之義

仙子飄又何處來金丹滿把彩霞開病軀何補
人間世玄牝徒勞柱下才天上碧桃君有種杯
中綠酒我無猜了知四大都歸幻為汝狂歌嘯
鳳臺

豫章朱山李敬父早得悟于明德夫子之
門今六十餘矣出游金陵郢還舊隱陽羨
芙蓉山山為龐公叅禪處云

聖代山林有此儒不由文字契詩書早叅龍象
向誰並晚入芙蓉獨自居慧眼雙開金不着剛
腸一付鉄難如他年肯比龐居士祇有榛陰八
里餘

萬曆丁酉孟秋思林丁老師次公子慎思
兄求予所作墓碑還武陵賦贈

令威仙去幾何年
弟子無知為表汗
道在清時收合浦
碑同明月載江船
一帆西上風烟闊
千里人歸史筆傳
悵望桃岡不可見
送君惟有淚潺湲

丁母張夫人七十壽

海鶴孤鶩竟不來
將雛空母立山隈
蒼松百尺風霜老
月桂三秋雨露裁
地位瑤池開壽域
人同王母照霞杯
悠悠閱世無窮數
南嶽雲烟首重迴

武安廟會諸友

仰止英祠大丈夫
諸君濟濟亦文儒
羅浮佐命自今古
白鶴遊仙空有無
會有梅花供逸興
那無茅本助狂呼
他年吾黨皆高遠
敢謂迂庸闢聖途

送黎文塘

送君西上發歸舟
三度金陵此勝遊
人物舊京元講肆
風霜晚歲念南州
師門首座誰堪並
藥裹刀圭自可投
最是同心閑去住
都來吾道只

滄洲

送范凝字太史冊封

渺又金城待漢臣又玉節展周親
長卿才大傾梁苑小范名高靖塞塵
旆轉臯蘭辭薄暮車迴巴雋度清晨
莫言家慶無多戀叱馭猶堪過早春

贈王伯台還晉江

朝濟南溟暮象頭晉安才子不凡流
遠遊豈窘雲霄步高視寧論荆岫丘
杖履千山隨雨度古今

雙眼與雲浮交情正洽分携易粵水
閩山意共悠

和姚西野七十有一韻

驚城又闕自春秋閱世如翁幾白頭
洛下耆英媿往哲清時著蔡定人謀
家傳柱史聲名舊業紹郎君麟鳳洲
料得但憐同輩在春山無伴可相求

題狄梁公望雲思親

求忠於孝古難全此道梁公率所天
雲謁翠微

親在望日昇湖海國重延立身行道忠之本將
順匡扶孝是原莫笑先生宋儒語唐虞世界只
如然

諸友信現前之學惧其不能深造寄懷共
學道先須信現前現前之外更何言就處體仁
惟活潑於中觀禮便凝堅謾揭講章談道錄休
標雜記顯仁編知幾必自全終始君子存心只
闇然

贈揚州趙仁齋先生

淮海維揚一偉人霜華碧眼照青春心猶赤子
還誰識道付滄洲祇自真儘把帝編供歲月時
看匣劍擬心神茫茫宇宙無窮事傾蓋相看白
髮新

壽張翁七十

少日康衢誦古詩到今擊壤屬龐眉息機自得
神形聚為善能教日月遲千朵榴花迎上客一
簾燕語勸深卮思量誰賜平康福教子慇懃荅
盛時

至日寫懷

萬國朝天賀復長
自慚多病後
鶴行敢圖初服
焚魚佩未懸
前賢製笏囊
藥餌幾經階
英換庭闈
遙瀟嶺梅香
皇仁自識憐
烏鳥惟待題絨
達建章

唐曙臺惠集杜書懷之作奉答

經句正爾憐同病
一札俄驚惠
十行佳句未枯
原命杜新篇
一出却成唐
雕鏤是技何
嫌巧游戲
如君不可當也
知製錦從
高手五色還
期補

衮裳

山中和許甸南

思君常在海西頭
幾度裁械泪
欲流車馬遠來
仍減從蓬蒿
深處拜荒坵
門生相禮人
都雅筆子題詩
翠欲浮世道
須公勤補衮
故人林壑暫
優悠

山中和李正峯

丘壠雲蒸龍竅開
瀟瀟風木思
悠哉憑君指點
眠牛地羨爾
超群倚馬才
陰德葆真天
上去陽

和還自地中回從來積善生堯率不與浮塵混
劫灰

五言絕句

小赤壁

以下八首為周石潭先生作

寰宇未嘗大赤壁那獨小都在吾目中吾更在
目表

松丘

杖藜過橋西高丘松色碧一路登陟倦暫憇松
下石

耦耕谷

牽牛入谷口雲迷不知處放牛牛自行隨牛行
處去

環竹蓬

淺蓬深隱竹竹影隨日側睡醒日午來覓影不
可得

沙潭

沙際明月上光彩如朝暾良朋適不至獨立無
與論

林方吳易疇文集卷之八

漁埤

魚樂吾亦樂其如網罟頻淵深餌不取百尺虛
垂綸

捷雲洞

渡水西岸去小洞僅容膝仰視天上雲片又洞
口出

柏塢

遙想柏樹下結茅已成宇定有素心人歲晚此
相聚

題天命之謂性示諸兒

歆識天何處虛空摠是天歆知天命理只是自
然然

七言絕句

送李亭卿還杭州 諱長房

仙李人間亦武林朱明白下故來心實來虛返
誰知得寄語蓮池共賞音蓮池禪者見修於西
湖亦姓李予聞其名
而未之識面故寄聲焉

何龐二先生以湯餅之會路遠預約蚤出

易大史尺卷之三 六十四

不知予之下榻也詩以荅之云

當年下榻為徐穉今日高賢更倍之寄謝侍兒
休預畏暗塵不逐駿蹄飛

何午臺龐參吾會湯餅後復惠以詩奉答
誕彌厥月寢之牀引得明珠滿室光莫是此兒
來處異前生曾得侍文昌

會餞別劉承所出貳重慶

祇怪諸君會事頻傳經人要出親民請看贈處
皆真意莫道今人非古人

十月長安雪不飛彤雲照又悵人離寧知我輩
皆同調化佐陽春滿帝畿

謾將仕學論其優盡榼相將是勝遊未解此時
渾放下應知眼底盡金牛

聖涯無隔不須航百姓無瘡不可傷此別丁寧
唯一語直將杯酒贊黃堂

爐山永暮

篋裡爐山夢裡親白雲長覆護圖中應知涕下
封防後便是東西南北人

風雨駐太湖佐茶池亭記又詩四絕

三春過一尚征途風雨留人宿太湖手記茶池

謝仙令前令王君一鳴黃岡人千年棠樹指碑

跌

芭蕉幾樹萎堦楹已遇深春寒未生却喜嗟枯

有時雨不妨征憶暫停行

紫極遙從直北望板輿勞役楚天長八千里路

平分裏不為君親有底忙

昨日臨江走瑞州半途風雪半途休輿人凍瘁

君親念謹視陰晴定去留

寄謝劉令

合肥赤子合君肥爭怪猶淹柳士師劉以癸未進士刑部

主政降州判我忝近臣能荐否空慚十載與君知

送堪輿周劍川

踏遍芒鞋未肯休為誰尋得卧牛丘秦皇不廢

司空職公等甘為術者流

戊戌春日寫懷

佳麗皇州又早春鍾山佳氣曉氤氳金陵六代

空塵跡 聖祖三才是首君

幾度南州閱歲華 和叶 吾生回首亦堪嗟 叶 鏡中

舊日紅顏改 頭上新年白髮多

冬白春紅此處無 皆吾粵中酒名 一般有酒對屠蘇 獨

憐雪色凌萱草 又見春來听鷓鴣

問友人病

病日一齊都放下 好來依舊又憧 又 若能認取

病中景 便是超凡入聖功

氣柔志弱力全微 此際綿 又 祇一知萬慮千思

何所着真心原只是嬰兒

燈下吟四首

平生怙恃是吾天 棄我先今只七年 蓬葉連根

飛不定 雨來空有淚潺湲

不毀今來五十強 森 又 一宿梓與山長 慈親大事

如襄畢只好番身禮法王

五十年来赤子身 不知何假又何真 滄溟一葉

飄 又 去直上天門見二親

衰 又 父母我劬勞 羞藥及慈色 若焦愧爾懷間

楊方先生文集

卷之八

真赤子或時嘻咲或時嗚

寫谷一見

